

新疆大記卷三

合肥闕鳳樓仲韓撰

城郭記上

天山南路

伊吾廬

漢伊吾廬

今哈密在安西州西北

本匈奴呼衍王庭後漢永平十六年帝遣竇固耿

忠等征匈奴固至天山

章懷太子曰天山即祁連山今名折羅漫山在伊州北晉灼曰天山在西北近蒲類國折一作時

擊呼衍王呼衍王走追至蒲類海留吏士屯田伊吾廬城

章懷太子曰伊吾今伊州縣也

本匈奴地名既破呼衍王即其地置宜禾都尉以爲屯田今伊州納職縣伊吾故小城是

西域絕至復通章帝不欲疲

敝中國乃迎還戊己校尉罷屯田伊吾匈奴因遣兵守其地永元初竇憲

大破匈奴遣副校尉閻盤掩擊伊吾破之後匈奴復收諸屬國共爲邊寇

元初六年遣行長史索班將十人屯伊吾以招撫之數月匈奴攻沒索班

新疆大記卷三 城郭記上

因是闕遺書

敦煌太守曹宗請出兵擊之以報索班之恥鄧太后不許順帝永建初班

勇爲西域長史屯柳中

車師地名

龜茲于寘莎車十七國皆來服從六年帝以

伊吾舊膏腴之地傍近西域匈奴資之以爲寇暴復令開設屯田如永元

故事置伊吾司馬一人陽嘉以後烏桓鮮卑強盛漸并匈奴地呼衍王居

蒲類元嘉元年呼衍王入寇伊吾伊吾司馬毛愷遣五百人于蒲類海東

與戰悉爲所沒呼衍王遂攻伊吾屯城自後遂絕

後漢書西域傳自敦煌西出玉門關涉鄯善北

通伊吾千餘里自伊吾北通車師前部高昌壁一千二百里自高昌壁北通後部金滿城五百里此其西域之門戶也

伊吾地宜五

穀桑麻葡萄其北又有柳中皆膏腴之地故漢常與匈奴爭之以通西域

晉時張駿議治石田參軍索孚諫之駿怒出孚爲伊吾都尉至蠕蠕強則

敦煌大磧之北爲其所常會庭也李暠守敦煌爲沮渠所滅唐和攜暠子

寶避難之伊吾招集民衆二千餘家臣蠕蠕蠕蠕以和兄契爲伊吾王經

二十年和與契遣使降後魏蠕蠕迫之至於高昌

後魏書唐和傳蠕蠕遣部帥阿若討和至白力

城和率騎五百先攻高昌契與阿若戰沒和收餘衆奔前部王國時沮渠安周屯橫截坡和攻拔之斬安周兄子樹又克高寧自力二城斬其戍主遣使表狀後與前部王車伊洛擊破安周太和初內屬始置伊吾郡高昌王馬儒求內徙世祖

欲割伊吾五百里以居之未果見高昌隋初商胡雜居有勝兵千餘附於鐵勒人甚驍悍厥田良沃大業三年裴矩往敦煌遣使說伊吾吐屯設等啗以厚利導使入朝尋遣將軍薛世雄城伊吾裴矩共往經畧矩諷諭西域諸國曰天子為蕃臣交易懸遠所以城伊吾耳咸以為然不復來競天下亂又臣突厥唐貞觀四年突厥頡利破滅其酋舉其族七城降列其地為西伊州同於編戶大歷中陷于吐蕃大中五年張義潮復以瓜州沙伊州來獻五代時曰胡廬積仲雲族牙帳所居小月氏遺種其人勇而好戰瓜沙人皆憚之宋亦為回鶻所據王延德使高昌歷伊州州將陳氏言自唐開元二年領州凡數十世唐時詔敕猶在也

哈密

新疆大記卷三 城郭記上

二

因是閣遺書

宋州後亦屬輝和爾地元太祖征西域回回圍太子於哈密城哈密舊音渴密力一

作合迷里案元代地名互有異同而求之音義則一也耶律薛閣引千軍救之丙戌蘇布台取馭薩

里輝和特勒赤憫等部憲宗立以特格穆爾長哈密里及曲先諸宗藩之地至元十八年設甘肅行省其地亦隸焉二十四年以巴什伯里漢軍及新附軍五百人屯哈密大德中詔諸路輝和爾哈密自相訟者歸亦都護府與民交訟者聽有司專決北山烏遮虜舊障迤邐而東至狼心山時為往來通道種類雜居曰回回曰輝和爾曰哈喇灰皆不相統屬泰定初以威武王納忽里鎮之尋改肅王卒弟安克特穆爾嗣明洪武中輝和爾既定逼近哈密安克懼而納款永樂元年遣使來朝改封忠順王已而韃靼部鬼力赤毒死之三年以其兄子托克托舊音脫為王四年立哈密衛帝眷托克托甚厚而托克托固凌侮朝使不恤國事帝怒遣官諭戒之未至托克托以暴疾卒子卜塔什里嗣尙幼宣德初遂封其從弟兔力特穆爾

爲忠義王正統二年脫歡卒已而忠順亦卒封其子倒瓦塔什里爲王初成祖以哈密爲西域要道欲其迎護朝使統領諸番爲西陲屏蔽而其王率庸懦莫能節制及倒瓦塔什里立北衛拉特

明史音

西土爾

魯音

番東

南赤金罕東諸衛悉與構怨鄰國交侵天順元年倒瓦塔什里卒弟卜列

革嗣又二年卒無子王母努温塔失里主國事自是更益離散迤北酋亂

加思蘭乘隙襲破其城大肆殺掠王母率部落走苦峪尋還故土國中政

令無所出成化八年土爾番速阿檀力乘機襲之執王母奪金印以去以

牙蘭據之邊臣築苦峪城居哈密十八年春哈密都督哈森

舊音

糾赤金

罕東二衛與己所部兵萬人夜襲哈密城牙蘭遁去乘勢連復八城遂還

居故土弘治初封哈森爲王土爾番阿黑麻詭與結婚誘殺之五年以安

定王族人陝巴主哈密擢都督僉事阿木朗與同知奄克孛刺輔之阿木

朗潛引七克力人掠土爾番人馬阿黑麻復襲哈密七克力衛拉特二部

來援俱敗去乃殺阿木朗執陝巴以歸時朝議革棄陝巴爵令奄克孛刺總理哈密事與回回都督寫亦虎仙哈喇灰都督拜迭力迷失等分領三種番人以輔之陝巴未還不必索取於是邊臣棄陝巴逐其貢使閉嘉峪關馬文升銳意興復與巡撫許進偕大將軍劉寧彭清分數道進夜至羽

集七川畢會又六日至城下拔之牙蘭遁去

明初以來官軍無涉其地者至是番人知畏

又二

年阿黑麻送還陝巴乃復爵奄克孛刺者哈森弟也與陝巴不相能而陝

巴嗜酒培克失衆心部下咸怨十七年春阿孛刺等陰構阿黑麻迎其幼

子真特穆爾主哈密而陝巴挈家走苦峪城奄克孛刺與寫亦虎仙在肅

州邊臣令其二人均還輔陝巴與百戶董傑偕行奄克孛刺抵哈密謀誅

阿孛刺令陝巴還居哈密以真特穆爾居甘州陝巴尋卒其子拜牙即襲

正德初阿黑麻亦卒六年寫亦虎仙送真特穆爾還抵哈密奄克孛刺止

之不聽寫亦虎仙早有異志至土爾番遂以國情輸滿速兒且誘拜牙即

叛奄克孛剌因奔肅州八年秋拜牙即棄城走入土爾番滿速兒遣他只丁據哈密朝命彭澤往經略澤至謂番人嗜利遣人諭令還侵地與王予以重賞滿速兒僞許澤乞歸尋亦詔還而忠順不返寫亦虎仙又啗之入寇滿速兒喜遂相與遣人入貢以覘虛實邊臣知之悉羈之甘州而督寫亦虎仙出關不肯去他只丁復奪哈密地分兵脅據沙州擁衆入寇至屯兒壩官軍往禦遊擊芮寧先抵沙子壩遇賊賊悉衆圍寧所部皆敗沒賊薄肅州城兵備副使陳九疇固守且絕其內應賊知事洩慮援兵至大掠而去賊至瓜州鄭廉合奄克孛剌兵擊敗之事平械寫亦虎仙赴京下獄時王瓊劾彭澤欺罔辱國斥爲民坐九疇等激變獲重譴明年寫亦虎仙亦滅死遂資緣錢寧與其壻得侍帝左右帝悅之賜國姓授錦衣衛指揮世宗即位楊廷和以寫亦虎仙稔中國情實歸必爲邊患因於遺詔中數其罪并其子壻伏誅而用陳九疇爲甘肅巡撫嘉靖三年土爾番犯甘州

九疇及總兵官姜瓖力戰敗之斬他只丁賊乃卻去九疇因言賊不可撫遂閉關絕貢明年復犯肅州時九疇已解職他將援兵至乃遁百戶王邦奇者素憾楊廷和彭澤因言今哈密失國番賊屢侵由澤賂番求和廷和論殺寫亦虎仙所致桂萼張璁輩欲藉此興大獄削廷和澤爲民九疇報捷時言滿速兒牙蘭已斃礮石下二人實未死帝固疑之因萼等議並疑邊臣欺罔遂逮九疇坐累者四十餘人七年正月九疇既逮至萼等必欲死之并株連廷和澤尙書胡世寧力救免死而萼等又薦王瓊督三邊盡釋還九疇所繫番使許之通貢番酋侮玩如故時以牙蘭獲罪其主率部帳來歸邊臣受之滿速兒怒令其部下虎力納咱兒引兵犯肅州初胡世寧之救九疇也言拜牙即久歸土魯番即還故土亦其臣屬其他族裔無可繼者回回一種早已歸之哈喇灰畏吾兒二族逃附肅州已久不可驅之出關然則哈密將安興復而霍韜力駁其非至是世寧上言哈密三立

三絕今其王已爲賊用民盡流亡借使更立他種難保爲不侵不叛之臣立之無益乞令守臣遣諭滿速兒詰以入寇狀倘委爲不知令其自贖否則發兵往討庶威信並行賊知斂戢更敕瓊爲國忠謀力求善後策帝深然之至明年唐澤亦以哈密未易興復請專圖自治之策瓊善之據以聞乃自是置哈密不問西陲借以息肩而哈密後爲失拜烟答子米兒馬黑木所有失拜烟答乃寫亦虎仙之黨以內應繫獄被捶死服屬土爾番朝廷猶令其比歲一貢異於他番迆隆慶萬歷朝入貢不絕然非忠順王苗裔矣

東且彌

漢東且彌治天山東兌虛谷

在金嶺北今迪化州東南

戶一百九十西南至都護治所

一千五百七十里廬帳而居逐水草頗田作後漢時戶三千餘

案後漢東西且彌並

爲一國所居無常物產與蒲類同

後漢書去長史所居八百里

西且彌

新疆大記卷三 城郭記上

五

因是閣遺書

漢西且彌治天山東于大谷戶三百三十西南至都護治所一千四百八十里

卑陸

漢卑陸國治天山東乾當谷戶二百二十西南至都護治所千六百七十八里

卑陸後國

卑陸後國治番渠類谷

今關展北境

戶四百六十東與郁立師西與切國北與

匈奴南與車師接

切國

漢切國治天山東丹渠谷戶九十九西南至都護治所千四百八十七里

郁立師

漢郁立師國治內咄谷戶百九十東與車師後城長西與卑陸北與匈奴

接

狐胡

漢狐胡國治車師柳谷今關展南磧口西至都護治所千一百四十里至焉耆七百七十里

車師前部

漢車師前部

今關展全境

治交河城

今招哈和屯在土爾番西

武帝天漢初以匈奴降者介

和王為開

一作

陵侯擊車師匈奴右賢王將兵救之漢兵不利而還征和

二年重合侯馬通兵出酒泉至天山虜已引去復遣開陵侯將兵北圍車師車師臣屬漢自後貳師敗沒漢不復出兵而匈奴使四千騎田車師宣帝即位遣五將將兵擊匈奴五將詳匈奴傳田者驚去匈奴召其太子軍宿欲以為質軍宿亡走焉耆車師更立烏貴為太子烏貴結婚匈奴與之遮漢道通烏孫者地節二年城郭諸國擊破姑師得其民人而去匈奴復以王之

新疆大記卷三 城郭記上

六

因是閣遺書

昆弟兜莫為王漢遣侍郎鄭吉校尉司馬熹田渠犁積穀以攻車師至秋

收穀吉熹共擊交河城

一作兜訾城

破之時王在石城明年更攻石城其王北

走匈奴求救匈奴未為發兵王還擊匈奴邊國小蒲類略其人民以降吉

復自請擊破金附國以臣服漢漢分以為車師前後王及山北六國

師古曰合

切國都立師前後卑陸東西且彌為六國欽定西域圖志前漢山北六國在天山之南跨金嶺南北凡五百里即後漢書自高昌壁北通金滿城之五百里也案六國境在今多倫達巴迤東山谷間若天山以北則皆屬後部王地匈奴怒發兵攻車師王吉等引

兵歸渠犁王恐匈奴復至乃輕騎奔烏孫吉即迎其妻子置渠犁東於是始使吏卒三百餘人別田車師匈奴遣騎來擊田者漢田卒少不能當匈奴保車師城中吉上書言車師去渠犁千餘里間以河山北近匈奴漢兵在渠犁者勢不能相救願益田卒公卿議以道遠費煩可且罷車師田者車師王之走烏孫也烏孫留不遣遣使上書願仍留車師王備國有急可從西道以攻匈奴於是詔故太子軍宿在焉耆者立為王徙居渠犁以車

師故地與匈奴神爵間始置西域都護其前部治交河城西南至都護治

所一千八百里至焉耆八百三十里元帝初元中置戊己校尉漢官儀曰戊己中央

鎮覆四方開渠播種以爲厭勝故稱戊己校尉屯田柳中今魯克察克王莽大擊北邊而西域瓦解焉

耆叛殺都護西域遂絕後漢時合前部及東且彌蒲類移支卑陸是爲車

師六國案後漢六國合車師前後部屬今迪化州關展廳全境北與匈奴接前部西通焉耆北道後

部西通烏孫皆附屬匈奴明帝永平十七年遣竇固等出塞擊走匈奴呼

衍王留吏士屯田伊吾明年復出玉門攻西域詔耿秉劉張皆去符傳以

屬固固出敦煌昆侖擊破白山虜於蒲類海上遂破白山降車師漢復置

西域都護戊己校尉乃以關寵爲戊己校尉屯前王柳中城今魯克察克明年

秋焉耆龜茲攻沒都護陳睦悉覆其衆匈奴亦圍關寵于柳中會帝崩救

兵不至車師亦叛建初元年段彭等兵會柳中遂擊車師交河城後漢書西域傳

交河河水分流繞城下故號交河降北虜驚走車師復東觀記曰車師降章太子曰去長史所居八十里

帝不欲疲敝中國乃迎還戊己校尉時軍司馬班超留于寘綏集諸國元

和三年以超爲西域都護復置戊己校尉領兵五百人居車師前部高昌

壁今哈喇和卓又置戊部候居車師後部候城相去五百里和帝永元三年前

後王各遣子入侍章懷太子曰車師前王即後王之其庭相去五百里孝和以後遂棄西域元初

六年敦煌太守曹宗遣長史索班將千餘人屯伊吾車師前王及鄯善來

降數月匈奴復率車師後王攻沒班等遂擊走車師前王略有北道宗請

出兵以報班恥鄧太后臨朝不許但令置護西域校尉居敦煌議者因欲

閉玉門陽關以絕其患其後匈奴連與車師入寇河西延光二年以班勇

爲西域長史出屯柳中明年勇發兵到車師前王庭擊走匈奴伊蠡王於

伊吾谷於是前部始復開通還屯田柳中自建武至於延光西域三絕三

通魏黃初中車師前部來貢賜其王亦多離守侍中號大都尉復置西域

戊己校尉晉張駿守涼州本傳駿盡有隴西地雖稱臣於晉而不行中與正朔西域長史李柏請擊

叛將趙貞為貞所敗議者以柏造謀致敗請誅之駿以減死論而貞不附

駿案李柏敗後趙貞自稱戊己校尉駿既失河南地遂擊擒之以其地為高昌郡十六國春秋

太元末呂光僭位以高昌地居形勝外接胡虜易生翻覆光以子覆為使

持節都督玉門以西諸軍事鎮高昌李嵩擊玉門以西諸城鄯善前部各

遣使貢獻後魏初本通使交易其地北接蠕蠕世祖始遣王恩生等出使

為蠕蠕所執延和中封車伊洛為前部王沮渠無諱之渡流沙也鳩集遣

人破車師案無諱守高昌萬度歸討焉耆各命伊洛從征真君十一年伊洛上書

云不能自存遂捨國東奔三分免一已在焉耆東境幸垂賑救帝使撫慰

開焉耆倉以給之自是車師前部并入高昌車伊洛傳本焉耆胡世為東境部帥延和中授封前部王

欲歸闕沮渠無諱斷路無諱卒其弟安周奪無諱子乾壽兵規領部曲伊洛招諭乾壽率戶五百餘家來奔伊洛送之京師又招李寶弟欽等五十

餘人送詣敦煌初伊洛征焉耆留其子歇守城而安周乘虛引蠕蠕三道圍歇連戰久之外無救兵為安周所陷歇走奔伊洛伊洛收集一千餘家

歸焉耆鎮正平初伊洛遣子歇詣闕二年伊洛朝京師拜上將軍王如故

高昌

魏高昌漢車師前王之故地世祖時有闐爽者自為高昌太守為沮渠無

諱所襲奪據之安周代立爽為李寶舅唐契所攻聞無諱至鄯善遣使詐降欲令無諱與唐契相擊無諱留安周住鄯善

從焉耆東北趨高昌會蠕蠕殺唐契爽拒無諱無諱將衛與奴詐誘爽遂屠其城爽奔蠕蠕無諱因留高昌無諱死弟安周代之爽既奔

蠕蠕安周乃為蠕蠕所並蠕蠕以闐伯周為王其稱王自此始也其國東

西二千里南北五百里四面多大山或云漢武西討師旅頓弊其中困厄

者因住焉地勢高敞人庶昌盛故云高昌亦云漢有高昌壘以為國號國

有八城皆有華人地多石積氣候溫暖厥土良沃穀麥一歲再熟宜蠶多

五穀北有赤石山七十里有貪汙山夏有積雪此山北鐵勒界太和初伯

周子義成立歲餘為其兄首歸所殺五年高車王可至羅殺首歸兄弟以

敦煌人張孟明為王後為國人所殺立馬儒為王以鞏顧禮麴嘉為左右

長史二十一年表求舉國內徙高祖納之遣韓安保率騎千餘赴之割伊

吾五百里以居儒至羊榛水遣李禮嘉迎安保去高昌四百里而安保不
至禮等還高昌安保亦還伊吾安保遣韓興安等十二人使高昌儒復遣
顧禮將其世子義舒迎安保至白棘城去高昌一百六十里而高昌舊人
皆不願東徙相與殺儒立麴嘉爲王初前部即車師胡人悉爲高車所徙入
于焉耆焉耆又爲嚙噠所破衆不自立請王于嘉嘉遣第二子爲焉耆王
由是始大益爲國人所服國內有城十八置四十六鎮官有令尹有交河
公田地公其爲交河田地公皆其王子也刑法風俗婚姻喪葬與華夏略
同其人面貌類高麗辮髮垂之於背女子亦然文字亦同華夏兼用胡書
俗事天神兼用佛法從武威西北有捷徑度沙磧千餘里四面茫然無有
蹊徑欲往者尋無人畜骨骸雲路中或聞歌哭之聲行人尋之多致亡失
蓋魑魅魍魎也故商旅往來多取伊吾路孝明時遣使奉表求借五經諸
史并請國子助教劉燮以爲博士許之嘉死子堅立後關中賊亂使命遂

絕梁大統十四年詔以其世子元嘉爲王恭帝二年又以田地公茂嗣位

隋開皇中突厥破其四城有二千人來歸中國

隋書高昌橫八百里縱五百里凡二十一城王都交

河城其田地城戊巳校尉所治也

大業五年麴嘉之孫伯雅來朝因從擊高麗還尙宇文

氏女號華容公主八年歸蕃詔賜衣冠車服然伯雅先臣鐵勒而鐵勒恒
遣重臣在高昌商胡往來則稅之送于鐵勒雖取悅中華然竟畏鐵勒而
不敢改也伯雅死子文泰立唐武德初遣使來告貞觀四年伯雅來朝有
詔賜氏李更封長樂公主後與西突厥連結諸國朝貢路出高昌咸見虜
掠伊吾內屬文泰與突厥葉護共擊之又與乙毘設破焉耆三城虜其人
焉耆王訴諸朝又諗薛延陀破漢璽書示以禍福使促入朝文泰稱疾不
至乃拜侯君集爲交河道大總管發兵討之王師至磧口文泰悸駭無他
計發病死君集奄攻田地城一作田北智盛降乃下其三州五縣二十一城披
其地皆州縣之號西昌州尋改西州唐書地理志以交河城爲交河縣始昌城爲天山縣田地城爲柳中縣東

鎮城為蒲昌縣高昌城為高昌縣高

更置安西都護府歲調千兵謫罪人以戌初文泰與西

突厥欲谷設約有急為表裏使葉護屯兵可汗浮圖城案浮圖即漢務塗之轉音今濟木薩

境與高昌為影援及君集至不敢發遂來降以其地為庭州并置蒲焉耆

請歸高昌所奪城留兵以守君集勒石紀功凱旋而俘徙高昌豪傑於中

國智盛拜右武衛中郎將天山郡公麴氏傳國九世一百三十四年而亡

智湛麟德中為西州刺史子昭歷司膳卿封交河郡公安史之亂其地陷

沒後復自為國語訛亦曰高敞然其地多回鶻時謂之西州回鶻案唐大

善陷北庭回鶻稍南其部落以避之自是多散處山南宋初西州回地數貢獻太平興國六年其王

始稱西州外甥案回鶻其先尚公主師子王阿厮蘭漢遺都督麥索温來

獻時遣王延德使高昌延德能道其所見云

宋王延德高昌記行初自夏州歷玉亭鎮次歷黃羊平渡沙碩乏水行

人皆載水凡二日至都囉囉族漢使過者遺以財寶謂之打當歷茅女

過子族臨黃河以羊皮為囊吹氣實之浮于水或以橐駝牽木筏而

渡次歷茅女王子開道族行入六窠砂砂深三尺馬不能行行者皆乘

橐駝不畜五穀砂中生草名登相收之以食次歷樓子山無居人行砂

積中以日為占且則背日暮則向日日中則止夕行望月亦如之歷臥

梁劾特族地有都督金山唐回鶻酒飲之亦醉次歷大屋地因族蓋達于

越王子合羅川唐回鶻于越王子所居之九城基尚猶有湯泉傳云契

丹舊為回鶻望鄉嶺上石菴李陵題字處各格羅美源西阿墩

族經馬驥山望嶺上石菴李陵題字處各格羅美源西阿墩

所會鷗鷺雁之類甚多次至氏其先唐開元二年領州凡數十世

天王次小石州次伊州將陳氏先唐開元二年領州凡數十世

唐時詔敕向在野蠶謂之吃鐵石又生胡桐一斤肉如熊白而

甚美有礪石剖之得寶鐵謂之吃鐵石又生胡桐一斤肉如熊白而

次歷益都凡三日至鬼谷口避風驛俗法祭出詔玉門關甚近無水

載糧以行凡三日西昌遣人來迎涉雪山葱嶺皆數千里至高昌而極

也其地至澤田寺高昌西距天竺路次歷寶莊又歷六種里地無雨雪而

傷每盛暑皆穿地穴以避飛鳥萃五寸即廬舍多壞有金嶺導

之周圍城以溉田園作水磴地產布穀好騎射婦人戴食油謂之雁

多琵琶篋篋出貂鼠白疊繡文花蕊布俗騎射婦人戴食油謂之雁

獻謂之用開元七年病以遊賞行者必抱樂器佛至亦餘區皆唐朝賜

額寺中有大藏經唐韻之禳災有敕書樓藏唐太宗明皇御札詔敕緘

甚謹復有摩尼寺波斯僧各持其法佛經所謂外道者也所統有南突厥北突厥大衆慰小衆慰樣摩割其法點憂斯末蠻裕哆族豫龍族之名避暑於北庭以其舅絕食者共越守國先遣人致意於延德曰我王舅也阿多者於越復數日始相見禮不恭拜復問曰延德至乎曰禮亦不當州凡六日至金嶺口寶所出入兩山也至漢家積雪行入服毛嶺過嶺即多雨雪嶺上龍堂刻石記云小雪山也嶺上有積雪行人服毛嶺度嶺一日至北庭懸高臺寺其王烹羊以具膳地多馬王及王后庭子各養馬牧於平川中彌亘百餘里以毛色別爲羣莫知其數北庭以川長廣數千里鷹鷂鵞鵝之所生多美草不生子侍者皆東向拜受賜以旁有持磬者願無訝其淹久至七日見其王及王子侍者皆東向拜受賜以受賜遂張樂擊以節爲優戲至暮明日泛舟於池中四面作鼓樂又拜明日常遊佛寺曰應運太寧之寺貞觀十四年造北庭北山中出礪砂山中常有煙氣湧起如雲霧至夕光焰若炬火照見禽鼠皆赤礪砂山以著木底鞋若皮爲底者即焦下有穴生青泥出穴外即變爲砂土人取以治皮城多樓臺卉木人白哲端正性工巧善治器及攻玉善馬直取絹一疋其驚馬充食者纔直九月始至亦聞有契丹使來者缺唇以七葉藏之謂其王云聞漢使入鞬鞞而道出王境誘王窺邊宜早送銀鞬鞞無使久留因云高敞本漢土漢使來覘視封域將有異圖王當察之延德偵知其語因謂王曰契丹素不順中國今乃反間我欲殺之王固勸乃止自六年五月離京師七年四月至高昌所歷以詔賜諸番

新疆大記卷三 城郭記上

十一

因是閣遺書

君長襲衣金帶絹帛八年春與其謝恩使凡百餘人復循舊路而還雍熙元年四月至京師延德初至鞬鞞之境頗見晉末陷虜者之子孫咸相率遮迎獻飲食問其鄉里親戚意盛懷感留旬日不得去

輝和爾

宋輝和爾舊音畏吾爾亦作畏兀本魏高昌地五代時爲回鶻所據案畏爾今遊欽定譯音改正

疑即回鶻轉訛宋末曰輝和爾其國南距于闐西南距大食波斯西距西天竺路涉雪山葱嶺皆數千里有水源出金嶺今土爾番北迤邐而東至關展三百里導之周圍國城以溉田西契丹強威制輝和爾遣使監其國元興輝和爾主計殺契丹使歸附太祖遂設達魯花赤以監之至元十五年立提刑按察司於輝和

爾分地界內計畝輸稅尋置北庭都護府而立輝和爾境內交鈔提舉司十八年改輝和爾斷事官爲北庭都護陞從二品又立四處驛站及交鈔庫遂罷和州和州疑即輝和爾按察司海都之叛遣兵千人戍其境大德

中詔輝和爾哈密舊作合自相訟者歸都護府與民交訟者聽有司專決

和州疑即輝和爾按察司海都之叛遣兵千人戍其境大德

中詔輝和爾哈密舊作合自相訟者歸都護府與民交訟者聽有司專決

泰定元年遣諸王闊闢出鎮輝和爾至順初復立總管府于哈喇和卓元史

舊作哈喇火州明史仍襲其訛今遵欽定譯音改正後至元十年西番盜起陷其城殺其使臣遂命

桑格鎮之十二年桑格率領亦都護輝和爾等軍同守襄陽明太祖定河

西輝和爾先遣使貢方物後無聞焉永樂四年以綵幣賜柳城酋長柳城以漢

柳中得名訛音魯克沁又曰魯克塵今改正魯克察克明年其萬戶瓦赤刺遣使來貢迄正統朝入

貢不絕

柳城者唐置柳中縣西去哈喇和卓七十里東去哈密千里經一大川謂

磧道旁多骸骨相傳有鬼魅行旅早暮失路迷死出大川渡流沙在火山

下有城屹然廣二三里即柳城也四面皆田園土宜稔麥豆麻有桃李棗

瓜之屬而葡萄最多小而無核者名鎖子葡萄節候常溫土人純樸男子

椎結婦人蒙皂布其語音尤類輝和爾地近哈喇和卓土爾番凡其酋長

入貢多與之偕土爾番強則柳城與和卓皆為所并

亦都護

元高昌國主亦都護先世輝和舊作畏吾爾之和林有二曰圖忽刺曰薛靈光曰不可罕者

遂有其土田人民而為人君長傳三十餘世是為玉倫的斤數與唐人相

攻戰以公主妻玉倫之子葛厲的斤居和林之汗騰格里鄂拉元史作天哥里于答

哈今遵譯音改正言天靈山也南有石山曰鄂拉舊作胡力答言福山也元使相地者

至求其山的斤許之石大不能動令人以烈火焚之沃以濃醋其石碎乃

輦而去國中鳥獸為之悲號越七日玉倫卒災異屢見民弗安居于是遷

於交州交州即和卓元史作火州舊對音改統有巴什伯里舊音別失八道之地其

國南接酒泉北至阿朮河東至元敦里石哈西至西蕃居是者又數百餘

載案王延德使高昌應即其地而至阿爾朮阿爾忒亦都護臣於契丹契丹主鞠兒遣

使據有其國時元太祖起北方阿爾朮計殺其太師僧少監等官歸之朝

太祖於怯綠連河後從征皆有功既卒次子玉古倫赤的斤嗣率馬木刺

的斤嗣將探馬赤軍萬人從憲宗伐宋合州攻釣魚山有功還和卓卒至元初世祖命其子火塔爾嗣爲亦都護海都之亂輝和爾之民遭亂解散遂命亦都護收而撫之其民人在宗王近戚之境者悉遣還其部輝和爾之衆復輯十二年都哇卜思巴率兵十二萬圍和卓凡六月不解都哇索其女火塔爾以女縶城而下與之乃解去其後入朝帝嘉其忠以公主妻之還鎮和卓屯於州南哈密里之地北方兵忽至其地大戰力盡而死子紐憐的斤尙幼詣闕請兵北征以復父讐師出河西俟北征軍齊發遂留永昌會吐蕃作亂詔領本部探馬赤軍鎮吐蕃宣慰司武宗詔還嗣爲亦都護復署其部押西護司部押西護司之官仁宗始稽故實封爲高昌王別以金印賜之設王傳之官其王印行諸內郡亦都護印行諸輝和爾之境領兵哈喇和卓復立輝和爾城池子二人長曰特穆爾補化次曰錢吉一作藏吉補化尙公主領大都護事延祐五年乃嗣爲高昌王泰定中分鎮襄陽文宗召至京師佐平大難遂知樞密院事拜丞相其弟錢吉嗣爲亦都護高昌王卒其弟太平努襲天順以後無聞焉明永樂初劉特穆爾護巴什伯里使者歸因齎彩幣賜其王子哈散五年哈喇和卓明史火州遣使貢方物十一年偕失刺思俺的干九國來貢正統十三年復貢後遂絕其地東接柳城西連土爾番城方十餘里僧寺多於民居東有荒城即高昌國都今闕展城西北連巴什伯里國小不能自立後爲土爾番所并

土爾番

明土爾番

舊音土魯番今遵欽定譯音改正

在唐交河縣之安樂城去哈密城千餘里嘉

峪關二千六百里元屬輝和爾國設萬戶府明永樂五年其萬戶賽因貼穆爾遣使朝貢達京師明年其國番僧清來率徒法泉等朝貢帝欲令其化導番俗授爲國師徒七人並爲僧綱司二十年其酋尹吉爾察與哈密共貢馬已而尹吉爾察爲巴什伯里歪思酋所逐走歸京師帝命爲都督

僉事遣還故土自是洪熙宣德正統朝都督指揮來朝不絕初國甚微弱後漸侵并柳城和卓

舊音火州

勢日益強其酋野密力火者遂僭稱王天順初

進秩者二十四人成化初阿力始控弦五萬自稱速檀時哈密削弱阿力欲并之九年春襲破其城執王母奪金印以去朝命李文等經略無功而還明年遣使來言已得哈密城池及瓦剌

即衛拉特明史訛音

奄檀王人馬一萬又

收捕曲先并亦思渴頭目倒刺火只乞朝廷遣使通道往來帝賜敕諭之十八年哈密都督哈森潛師直擣哈密克其城牙蘭遁去阿力子阿黑麻頗懼乃詭與哈森結婚弘治元年躬至哈密邀哈森盟執殺之復據其城四年以城印來歸六年復襲哈密執陝巴以去張海等遵朝議卻其貢羈前後使臣於邊閉嘉峪關永絕貢道其鄰邦胥怨阿黑麻十年冬遂送還陝巴款關求貢許之阿黑麻卒諸子爭立相仇殺已而滿速爾嗣爲速檀明年哈密陝巴亦卒子拜牙即襲昏愚失道國內益亂而滿速爾桀黠變詐踰於父復有真鐵穆爾在甘州邊臣奏送還還以邊情告其兄共謀爲逆九年誘拜牙即走入土爾番復據哈密彭澤贖還城印其部下他只丁復據之且導滿速爾犯肅州自是哈密不可復得而患且中於甘肅會中朝自相傾陷滿速爾規知之益肆讒構其腹心哈密回人寫亦虎仙得侍天子中國體大虧賊勢益熾世宗立寫亦虎仙伏誅失所恃再謀犯邊嘉靖三年寇肅州掠甘州四年復寇肅州皆失利去於是卑詞求貢會張璁桂萼等起封疆之獄遂陰庇滿速爾再許之貢牙蘭者本曲先人幼爲番掠長而黠健阿力以妹妻之握兵用事久爲西陲患至是獲罪率所部人來降滿速爾怒使其部下虎力納咱兒寇肅州不勝則復遣使來貢自是哈密存亡置不復問而滿速爾桀傲益甚矣然自寫亦虎仙誅他只丁斬于陣牙蘭又降失其依賴而部下各自雄長稱王入貢者多至十五人政權不一滿速爾死長子沙嗣爲速檀其弟馬黑麻分據哈密已而兄弟讐

殺馬黑麻結婚瓦刺以抗其兄且墾田沙州謀入犯其部下來告馬黑麻乃叩關求貢復求內地安置邊臣諭止之乃還故土與兄同處詔又許其入貢隆慶四年馬黑麻嗣兄職遣使謝恩其弟瑣非等三人亦各稱速檀遣使來貢禮官請其犒賜許附馬黑麻隨從之數可之迄萬歷朝奉貢不絕

焉耆

漢焉耆

今哈喇沙爾

治員渠城西南至都護治所四百里南去尉犁國百里

尉犁

今哈勒噶爾在焉耆西南案焉耆正南皆水必無容國之地漢書南字上恐有脫誤

北與烏孫接近海水多魚

後漢書焉

耆居南河城去長史所居八百里四面有大山國與龜茲相連道險阨易守章懷太子曰東去交河城唐郡九百里

焉耆地近匈奴

王莽時焉耆先叛殺都護但欽莽不能討天鳳五年遣五威將王駿西域都護李崇戊已校尉郭欽出西域諸國皆郊迎焉耆詐降而聚兵自備駿等將沙車龜茲兵七千餘人分數部入焉耆伏兵要遮駿及姑墨尉犁危

須國爲反間還共襲駿等皆殺之惟戊已校尉郭欽別將兵後至焉耆兵未還擊殺其老弱引兵還李崇收還餘士保龜茲數年崇沒西域因絕後漢永平中始置都護會明帝崩焉耆乘中國大喪遂與龜茲攻沒都護陳睦副校郭恂殺吏士二千餘人至永元六年班超發鄯善八國兵討焉耆到尉犁界焉耆王廣遣兵左將北韃支奉迎超賜而遣之廣迎超於尉犁奉獻珍物焉耆有葦橋之險廣乃絕橋不欲令漢軍入國超更從他道厲爾雅自帶以上爲厲自膝以下爲揭七月晦到焉耆止營大澤中廣出不意大恐乃欲悉驅其人共入山保超乃期大會諸國王因揚聲當重加賞賜於是焉耆王廣尉犁王汎及北韃支等相率詣超其國相腹久等皆亡入海而危須王亦不至超怒遂收廣汎等於陳睦故城斬之乃立焉耆左侯元孟主其國尉犁山國皆更立超留焉耆半歲撫慰之安帝時西域復叛超子勇爲西域長史討定諸國惟焉耆王元孟與尉犁危須不降永建二年勇上書請

攻元孟漢遣敦煌太守張朗將河西四郡兵配勇分騎爲兩道擊之朗先期至爵離關遣司馬將兵前戰虜二千餘人元孟遣使乞降張朗徑入焉耆受降而還魏興遣使貢獻時中道西行尉犁又作黎危須山國皆并屬也晉武帝太康中其王龍安遣子入侍安子會少而勇傑安病篤謂會曰我嘗爲龜茲王白山所辱汝當雪之及會立襲滅白山遂據其國遣子熙歸本國爲王會有膽氣籌略遂霸西胡葱嶺以東莫不率服然恃勇輕率嘗出宿於外爲龜茲國人羅雲所殺其國剪髮以爲飾婦人衣襦著大褲死者皆焚而後葬俗事天神並崇佛法尤重二月八日四月八日國中咸依釋教齋戒行道焉楊宣經理疆域還攻焉耆與熙戰於賁命城先鋒張植又擊敗之進據尉犁熙率羣下四萬人肉袒降於宣呂光討西域度流沙進兵焉耆其王泥流率其旁國請降西夷傳及光僭位熙又遣子入侍案熙歸本國在晉初至東晉隆安中呂光僭位已越一百二十餘年熙字必誤當以呂光傳泥流爲是後魏世祖遣萬度歸討焉耆入東界擊其

邊守左回

今梵輝

尉犁二城拔之進軍員渠城其王鳩尸卑那單騎入山中

猶覬城不拔得還其國既見盡爲度歸所克乃奔龜茲度歸屠其城四部

諸戎皆服焉耆不亂日久獲其奇珍異玩殊方詭譎難名之物以獻唐貞

觀六年龍突騎支遣使來朝

隋書其王姓龍名突騎支

自隋亂積路閉西域朝貢皆道

高昌突騎支請開大磧道以便行人帝許之高昌怒大掠其邊西突厥復

攻之與高昌陷其五城遣使言狀詔侯君集討高昌突騎支引兵佐唐高

昌破歸向所俘及城遣使入謝後與西突厥相約爲輔車勢不朝貢乃命

郭孝恪爲西州道總管出銀山

今稱庫木什阿克瑪塔克

道率兵討之孝恪倍道絕水

夜傳堞遲曙譟而登國人擾敗斬千餘級執突騎支更以栗婆準攝國事

始帝語近臣曰孝恪八月一日詣焉耆門二旬可至當以二十二日破之

使者即至矣俄而遽以捷布聞囚突騎支送洛陽其從兄薛婆阿那支自

立執栗婆準獻龜茲殺之阿史那社爾討龜茲阿那支奔爲社爾所禽斬

之乃立婆伽利以其地爲焉耆都督府婆伽利死國人請還突騎支許之歸國死龍嬾突立開元七年龍嬾突死立吐拂延於是十姓可汗請居碎葉安西節度湯嘉惠表以焉耆備四鎮詔焉耆龜茲疏勒于闐征西域賈各食其征由北道者輪臺征之迄貞元中陷於吐蕃回鶻衰亂有厖特勒西奔西安居焉耆城既而回鶻爲張仲武所破厖特勒乃自稱可汗居甘沙西三州懿宗時僕固俊自北廷擊吐蕃斬論尙熱盡取西州輪臺諸城

危須

漢危須國今察罕通格境治危須城西至都護治所五百里至焉耆百里事具焉耆傳魏時并屬焉耆後魏之左回城今楚輝元之獨山城皆其地也

尉犁

漢尉犁一作黎今哈勒噶阿瑞治尉犁城西至都護治所三百里南疑上脫東字與鄯善且末接

山

漢山國西至尉犁二百四十里西北至焉耆一百六十里西至危須二百六十里東南與鄯善且末接山出鐵民居山師古曰常在山下居不爲城治也寄田糴穀於焉耆危須

烏壘城

漢烏壘城今策特爾額墨什郭勒至其地屬龜茲東北與尉犁東南與且末南與精絕接至龜茲五百八十里東去陽關二千餘里於西域爲中其南三百三十里至渠犁宣帝遣侍郎鄭吉田渠犁一作黎因發兵攻破車師遷衛司馬使護鄯善以西南道神爵間匈奴日逐王先賢揮欲降漢使人與吉相聞吉發兵迎之遂詣京師漢封日逐爲歸德王自是威震西域并護車師以西北道督察烏孫諸國故號都護上封吉爲安遠侯於是中西域而立莫府治烏壘城鎮撫之漢之號令班西域矣後漢建武中莎車王賢攻并龜茲

自立其子則羅爲龜茲王後以則羅年少仍分其地爲烏壘國後漢書在尉犁西三百里徙媯塞王駟健爲烏壘王數歲龜茲國人殺之乃復入龜茲唐河西諸

胡內屬置州十二曰烏壘州案河西謂今海都郭勒以西

渠犂

漢渠犂今額爾古納境亦小國在烏壘城南李貳師征伐之後初置校尉屯田

渠犂至宣帝時鄭吉以侍郎田渠犂積穀因破車師漢以後其名不著唐置渠犂都督府即故地也

輪臺

輪臺初名命頭漢李貳師復行大宛兵多而所至小國莫不迎出食給軍至命頭命頭不下攻數日屠之前漢書曰輪臺武帝征和中貳師以軍降匈奴帝既悔遠征伐而搜粟都尉桑宏羊上言故輪臺以東捷枝渠犂皆故國地廣饒水草有溉田五千頃以上處溫和田美可益通溝渠種五穀

與中國同時熟臣愚以爲可遣田卒詣故輪臺以東置校尉三人分護各舉圖地形通利溝渠務使以時益種五穀田一時可積穀募民壯健有累重敢徙者請田所就蓄積爲本業益墾溉田稍築列亭連城而西以威西國輔烏孫爲便帝深陳既往之悔乃不聽昭帝復用宏羊議以扞彌太子賴丹爲校尉田輪臺與渠犂地相連也後魏龜茲國東有輪臺唐永徽中平賀魯置輪臺都督府長安二年置北庭以其地析置輪臺縣隸焉案漢輪臺

大歷六年置靜塞軍其西三百里有清鎮軍即鷹姿川境

唐地理志自庭州西延城西六十里有沙鉢城守捉又有馮洛守捉又八十里有耶勒城守捉又八十里有俱六城守捉又百里至輪臺縣自輪臺縣百五十里有張堡城守捉又渡里移得建河七十里有葉河守捉又渡白楊河七里有清鎮軍城又渡葉河七十里有葉河守捉又渡黑水七里有黑水守捉又七十里有東林守捉又經黃草泊大漠小磧渡石漆河隘車嶺至弓另城過思澤川蟄守捉又密城渡伊麗河水一名帝河至碎葉界又西行千里至碎葉城水皆北流逾磧入夷播海

默爾奇斯

默爾奇斯舊音蔑里乞亦回鶻部在焉耆西為唐榆溪州輪臺縣境元太祖初起沙漠伐

默爾奇斯與其部長托克托戰于莫那察山掠其資財田禾以遺汪罕元本

紀克烈部長名托里受金封爵為王番言音重故稱汪罕或云汪罕始居謙州居亡何汪罕自率兵復攻默爾奇

斯部人敗走托克托奔伯爾呼濟之隘汪罕大掠而還已而太祖復攻默

爾奇斯托克托奈曼舊音乃蠻迪延汗舊音太陽可汗之兄博伊嚕汗元本紀相傳乃蠻部始居青吉

斯其屬達勒烏遜獻女迎降俄復叛去帝至泰寒寨遣博羅干領右軍往

平之元年太祖即位發兵往奈曼遇博伊嚕汗獵于烏魯特山擒之以歸

迪延汗子楚察里與托克托奔葉爾特木什河上舊音也兒的石河今海都郭勒三年再

征托克托及楚察里時鄂囉洛部不戰而降因用為向導討默爾奇斯部

滅之楚察里奔西遼托克托中流矢死其子四人以父屍東涉葉爾特木

什河奔輝和爾國先使人告亦都護殺之四人者至亦都護與大戰于蟾

河唐交河在唐今土爾番使其國相報太祖太祖遣蘇布特征之軍至蟾河戰敗盡降

其衆尋以帕克呼圖領輝和爾默奇斯阿刺温帕克巴西四部憲宗時分

遷諸王于葉爾特木什河

獨山城

元哈喇亦哈赤北魯者畏吾爾人從太祖征西域至巴什伯里東獨山城

城空無人太祖問此何城對曰獨山城歲飢民皆流移至他所然地當北

來要衝宜耕種以為備昔在唆里迷國有戶六十願移居此帝遂命其子

月朶失野訥往取之父子皆留居焉後六年太祖西還見田野墾闢民物

繁庶問哈喇亦哈赤北魯則已死矣乃賜月朶失野訥都督印章兼獨山

城達魯花赤卒子乞出察忽爾襲太宗賜號答刺罕子四人曰月爾思蠻

事憲宗襲父爵兼領僧人後因軍帥扎忽爾臺據巴什伯里盡室徙居平

涼

巴什伯里

元史作別失八里明永樂中改亦力把里今遵欽定譯音
改正案元代初平西域盡以諸王駙馬爲之君長易前代
國名以蒙古語如地理志西北附錄中名號錯出概難指實惟
畏吾兒別失八里二國散見於本紀列傳茲就所見者編次之

元巴什伯里在龜茲國東宋時統爲輝和爾舊音畏地太祖西征始收巴

什伯里巴什喇等城西域既定置達魯花赤以監之憲宗初立以訥懷塔

哈喇麻速忽等充巴什伯里等處行尙書省事明年分土諸部乃建哈丹

於此尋以哈丹爲達魯花赤至元十五年授巴撒察爾虎符掌巴什伯里

輝和城子里軍站事又二年命萬戶綦公直巴戎什伯里分劉恩所將屯

兵肅州漢兵五千人入之自泰和嶺至巴什伯里置新站三十從諸王阿

只吉請也二十年立巴什伯里和州等處宣慰司阿只吉言元隸只必特

穆爾二十四城之中有察帶二城置達魯花赤就付斡端又請於所分地

立拘權稅課所二十二年西北諸王背叛引兵來侵伯答爾軍於亦里渾

察罕爾之地與禿哈布早麻戰大敗之時宗王阿只吉失律以巴顏舊音

總代其軍朝議巴什伯里軍事凡軍行並聽巴顏節制其留務委博羅臺

及諸王阿只吉官屬統焉未幾遣侍衛蒙古及千戶庫出等督兵屯田設

元帥府以兵總之明年海都兵至綦公直李進從丞相巴顏拒戰於洪水

山直父子皆陷進被賊擒至操一作巴里案操巴里即遁還又二年哈丹

又叛大軍敗之于貴烈河本紀詔諸王摘蒙古軍萬人分巴特穆爾率諸

師往納于河東等處招集其黨乞塔真一千戶令甘肅發粟以賑二十九

年巴什巴哈喇孫盜起明安率軍戰於圖爾古特敗之再合于哈喇遜明

安方略與戰悉獲其衆自是兵備始撤泰定初給諸王巴什伯里印其地

南接于闐東抵和卓舊音訛東西三千里統古焉耆龜茲疏勒爲一國而

統屬之城不一設官分戍同於內地迨其季亦各自爲分據焉明洪武中

藍玉征沙漠至摸魚兒海獲撒瑪爾罕商人數百太祖遣官送之還道經

巴什伯里其王黑的爾火者即遣千戶哈馬力丁等來朝貢馬及海青以

二十四年七月達京師九月命主事寬徹御史韓敬評事唐鉦使西域以書諭之徹等既至王以其無厚賜拘留之敬鉦二人得還三十年復遣官齎敕往諭之未幾黑的爾火者卒子沙迷查干嗣時哈密安克特穆爾爲可汗鬼力赤毒死沙迷查干率師討之成祖嘉其義遣使賚以綵幣永樂四年入貢因言撒瑪爾罕本其先世故地請以兵復之命中官巴泰等齎敕戒以審度而行毋輕舉並厚賜之泰等還言沙迷查干已卒弟馬哈麻嗣十一年馬哈麻卒無子從子納黑失只罕嗣十六年貢使速格來言其王爲從弟歪思所弑而自立從其部落西去更號國曰亦力把里仍舊音帝以其番俗不足治遂授速格爲都督僉事而遣中官楊忠等賜歪思弓刀甲冑及文綺綵幣自是奉貢不絕宣德元年入貢授其正副使爲指揮千戶其後使臣多授官歪思卒子也先不花嗣卒也密力火者嗣景泰三年貢玉石三千八百斤禮官言其不堪用詔悉收之每玉二斤賜帛一疋至

成化初禮官定西域朝貢期令其三歲五歲一貢使者不過十人自是朝貢亦稀國無城郭宮室隨水草畜牧人性獷悍君臣上下無禮統飲食衣服多與衛拉特舊音瓦刺同地極寒深山窮谷六月亦飛雪東南距嘉峪關三千七百里或曰焉耆或曰龜茲

龜茲師古曰音邱慈

漢龜茲今庫車治延城東至烏壘城都護治所三百五十里南與精絕東南

與且末西南與扞彌北與烏孫西與姑墨接西域傳武帝通西域初分南北二道元始以後有三道玉

丹爲質於龜茲廣利責龜茲曰外國皆臣屬於漢龜茲何以得受扞彌質

即將賴丹入至京師昭帝乃用桑宏羊前議以扞彌太子賴丹爲校尉將軍田輪臺輪臺與渠犂地皆相連也龜茲貴人曰賴丹本臣屬吾國今佩漢印綬來迫吾國而田必爲害王即殺賴丹而上書謝漢漢未能征宣帝

門關西至過龍堆轉西詣龜茲是爲中道

西域傳武帝通西域初分南北二道元始以後有三道玉

時常惠使烏孫還便宜發諸國兵攻龜茲責以前殺校尉賴丹龜茲王曰
時爲貴人姑翼所誤執姑翼詣惠惠斬之後龜茲王絳賓尙烏孫公主女
公主上書願令女比宗室入朝而絳賓亦愛其夫人上書言得尙漢外孫
爲昆弟願以公主女俱入朝元康元年來朝賀王及夫人皆賜印綬留且
一年厚贈送之其後數來朝賀漢衣服制度歸其國治宮室作微道周
衛出入傳呼撞鐘伐鼓如漢家儀外國胡人皆曰驢非驢馬非馬若龜茲
王所謂羸也絳賓子承德自謂漢外孫往來尤數漢遇之亦甚親厚光武
末莎車王賢攻殺龜茲兼其國自立其子則羅爲王數歲國人共殺則羅
而向匈奴請立匈奴立龜茲人身毒爲王由是服屬匈奴明帝時龜茲王
建爲匈奴所立依恃虜勢據有北道永平十七年龜茲與焉耆共圍車師
攻沒都護陳睦和帝永元初班超赴西域發龜茲鄯善八國兵討焉耆于
是龜茲姑墨温宿皆降帝以超爲都護徐幹爲長史拜白霸爲龜茲王遣

司馬姚光送之白霸至光廢其王尤多利送詣京師班超住龜茲它乾城
六年焉耆降西域悉定旋復叛遂罷都護及屯田卒西域無漢吏者十餘
年延光二年超子勇爲西域長史勇至樓蘭鄯善王歸附而龜茲王白英
猶自疑未下勇開以恩信白英乃率姑墨温宿自縛詣降魏黃初中遣子
入侍時姑墨温宿尉頭皆并屬龜茲俗有城郭其城三重中有佛塔千所
王宮壯麗煥若神居晉武帝太康中其王遣子入侍惠懷末以中國亂遣
使貢方物於張重華苻堅時堅遣呂光率衆七萬伐之白亦作純拒郡不
降光軍其城南五里白純驅徙城外人入于城中附庸侯王各嬰城自守
光攻城旣急白純乃請救獫胡獫胡弟訥龍侯率騎二十餘萬并引温宿
尉頭等國合七十餘萬以救之光戰於城西斬萬餘級白純收其珍寶而
走王侯降者三十餘國呂光傳光攻龜茲城夜夢金像飛越諸國憚光威
名款貢屬路乃立純弟震爲王以安之後魏太武初詔萬度歸率千騎擊

龜茲大獲駝馬而還時其王頭繫綵帶垂之於後坐金獅子牀俗多淫置
女市收男子錢以入官土多孔雀羣飛山谷間人取養而食之孳乳如鷄

鶯國西北大山中有如膏者流出成川行數里入地如饑餬服之愈人疾

云魏書龜茲在白山之南一百七十里隋西域記隋大業中其王白蘇尼

啞來朝言國中勝兵者數千人隋書漢時舊國東去焉耆九百里南去于

立貞觀四年來獻馬太宗賜璽書撫慰後臣西突厥郭孝恪伐焉耆乃遣

兵與焉耆影援自是不朝貢疊死弟訶黎布失畢立二十一年遣使來朝

帝怒其佐焉耆叛命阿史那社爾為崑山道行軍大總管又發鐵勒十三

部兵十萬討之乃立其弟葉護主其國凡破大城五諭降小城七十餘社

爾執訶黎布失畢那利羯獵顛獻俘帝赦其罪始徙安西都護於其都統

龜茲于闐碎葉疏勒號四鎮高宗復封訶黎布失畢為龜茲王與那利羯

新疆大記卷三 城郭記上

二十三

因是閣遺書

獵顛還國久之王來朝那利烝其妻王不能禁左右請殺之由是國中猜

忌使者言狀帝詔至京師囚那利護遣王還羯獵顛拒不納遣使降賀魯

王不敢進悒悒死詔左屯衛楊胃發兵擒羯獵顛窮誅部黨以其地為龜

茲都督府更立其子素稽為王是歲徙安西都護於其國以故安西為西

州都督府西域平儀鳳時吐蕃攻焉耆以西四鎮皆沒王孝傑復其地仍

置安西都護府於龜茲以兵鎮守於是砂磧荒絕民供貲糧甚苦議者欲

棄之武后不聽都護以政績稱者田揚名郭元振張孝嵩杜暹云方鎮表

伊西北庭二節度四鎮經略大使開元六年置副大都護治西州十五年分

十九年復分安西四鎮治安西都護府北庭伊西節度治西州顯慶二年平

賀魯析其地置濠池崑陵二都護列置州縣復為西州咸亨元年吐蕃陷

至高昌故地三年徙治龜茲都督府而故府復為西州咸亨元年吐蕃陷

都護府長壽二年收復安西四鎮至德元年更名為西州咸亨元年吐蕃陷

既侵河隴惟李元忠守北庭安西無援遂陷注有保大軍屯碎葉城

不下建中二年遣使開道入秦各以為大都護並為節度貞元三年

年吐蕃攻沙陀回紇北庭安西無援遂陷注有保大軍屯碎葉城

開元七

年其王白莫苾死子多而立改名孝節十八年遣弟孝義入朝神龍以後
黑衣大食強盛漸並諸國

唐安西入西域道安西俱毗羅城又六十里至阿悉言城又六十里至
磧經苦井百二十里至戎城曰姑墨州南臨河又六十里至西北石城曰
撥換城又二十里至赤山城也又粟樓烽又四十里度援達嶺又五里至
温肅州又西北三十里至粟樓烽又四十里度援達嶺又五里至頓
多城烏孫所治赤山城也又粟樓烽又四十里度援達嶺又五里至頓
里渡雪海又三十里至賀獵城又三十里至葉支城出谷至熱海又四十里至
凍城又百十里至賀獵城又三十里至葉支城出谷至熱海又四十里至
有里至裴羅將軍城又西二十里長於此自碎城西北有碎葉水城北四十里
里至新城又六十里至稅建城又五十里至恒羅城自撥換城西七十里
俱蘭城又六十里至稅建城又五十里至恒羅城自撥換城西七十里
又八十里至濟濁館故和平鋪也又經汝頭州在赤河北岸至疏勒南
赤河經岐山三百四十里至葭蘆館又經漢城亦在灘上赤河來自疏勒南
北西三面皆有山城在水東又有漢城亦在灘上赤河來自疏勒南
西葛羅嶺分西南至城西合於城東北入據史德樹九百三十里而東經崑
岡渡赤河西平安昌二城百二十里至焉耆界呂光館又經盤石百里有張
鎮自西州西南平安昌二城百二十里至焉耆界呂光館又經盤石百里有張
百二十里至銀山積又四十里至焉耆界呂光館又經盤石百里有張

新疆大記卷三 城郭記上

二十四

因是閣遺書

三城守捉又西南百四十五里經新城館渡淡河至焉耆西域自焉耆
西五十里過鐵關又二十里至于術守捉城又二百里至榆林守捉又
五十里至龍泉守捉又六十里至赤岸守捉又百二十里至安西都護
夷僻守捉又六十里至赤岸守捉又百二十里至安西都護

宋龜茲回鶻別種大中祥符三年龜茲可汗遣使獻方物自天聖至景祐
入貢者五最後賜以佛經一歲其國主自稱師子王衣黃衣寶冠與宰相
九人同治國事西至大食國六十日東至夏州九十日或稱西州回鶻或
稱西州龜茲或稱龜茲回鶻宋史其國有市井而無錢貨紹聖初使大首領阿連羅等
三人以表章及玉佛至洮河西熙河經略使以其罕通使請令於熙秦等
州博買而估所賚物價答賜遣還從之元起沙漠攻汪罕部汪罕出走路
逢乃蠻部將為其所殺汪罕子亦刺哈走西夏既而走至龜茲國龜茲王
討殺之太祖平西域其地悉統於別失八里而龜茲之名遂絕

養夷

明養夷在賽藍東三百六十里城居亂山間東北有大溪西流入巨川行

百里多荒城蓋其地介居巴什伯里蒙古部落之間數被侵擾以故民人散亡止戍卒數百人居孤城破廬頽垣蕭然榛莽永樂時陳誠至其地

溫宿

漢溫宿今阿蘇治溫宿城東至都護治所一千三百八十里西至尉頭三百

里北至烏孫赤谷六百二十里土地物類與鄯善諸國同東通姑墨東二

百七十餘里後魏時役屬龜茲案隋時疏勒龜茲二國接壤唐置溫肅州

在大石城一曰于祝乃屬河西內屬諸州之一又名溫州府

姑墨

漢姑墨今雅哈阿里治南城東至都護治所一千二百里南至于賓馬行十五

日北與烏孫接出銅鐵雌黃東通龜茲六百七十里王莽時其王丞殺溫

宿王并其國後魏亦曰姑默屬龜茲唐又稱亟墨即拔祿迦國自龜茲贏

六百里踰小沙磧而至橫六百里縱三百里風俗與龜茲同語言小異貞

新疆大記卷三 城郭記上 二十五 因是閣遺書

觀中置姑墨州國中出細氈褐西三百里度石磧至凌山為葱嶺北原也

水東流春夏山谷多積雪西北五百里至素葉水城比國商胡雜居素葉

以西數十城皆立君長役屬突厥素葉水城西四百里至千泉今阿得地

贏二百里南雪山三垂平陸多泉池因名之突厥可汗歲避暑其中羣鹿

飾鈴環可狎也西贏百里至怛邏斯今塔拉斯城亦比國商胡雜居有小城皆

華人尚華語為突厥所掠羣保此西南贏二百里至白水城原隰膏腴南

五十里有斂赤建國地沃宜稼多蒲陶又二百里即石國

塔什罕

宋塔什罕舊音尋斯干今遵欽本大食國地其部通貢於遼契丹宣和間

遼亡林牙達什舊音大石林牙自立率鐵騎宵遁案達什西奔在遼保大

年又二年遼為金所滅北行過墨水河源記黃河自東受降城折而正南流見白達

達詳穩綽和爾獻馬駝若干西至哈吞城舊音可敦城地理志中受降城

駐安北都護府會大黃室韋白達且敵烈王紀刺茶赤刺也喜鼻古德尼

母思奚的紀兒畢十八部衆遂得精兵萬餘置官吏立兵甲具器仗明年以青牛

白馬祭天地整旅而行將西至大食國回鶻王伯勒格迎至邸大宴三日

送至境外至塔什罕城西域諸國舉兵十萬號呼爾察來拒戰達什率兵

大敗之駐軍九十日回回諸國王來降又西至克埒木舊音起而漫遂止焉以

甲辰歲二月五日即位國號西遼三年班師東歸馬行二十日得善地遂

建都城曰呼遜鄂爾多尋諭衆曰朕率爾衆遠至朔漠期復大業以光中

興此非與爾衆世居之地遂率七萬騎東征行萬餘里無所得牛馬俱死

勒兵而還又十年卒在位二十年子伊埒幼后權國政在位七年伊埒立

在位十三年卒子幼以妹普蘇完權國後與附馬蕭都爾伯弟布古濟蘇

莎喇通殺駙馬駙馬父烏拉琳以兵圍其宮射殺普蘇完及布古濟蘇莎

喇普蘇完在位十四年伊埒次子卓勒古舊音直魯古元史稱鞠兒可汗立在位三十年

新疆大記卷三 城郭記上 二十六 因是閣遺書

元太祖之征奈曼也迪延汗子楚察里舊音屈出律奔默爾奇斯又二年討默

爾奇斯部滅之楚察里奔西遼秋遇卓勒古出獵楚察里伏兵八千擒之

遂襲遼衣冠尊事卓勒古朝夕問起居以侍終焉達什建號西域寡母弱

子更繼迭承幾九十年卓勒古死遼絕太祖十五年庚辰親征西域時附

西遼之谷則鄂爾多柯敢帕克巴舊音可散八思哈等城會長迎降太祖命哲伯

曷里默斯征楚察里楚察里拒執斬之以徇其地若喀什噶爾葉爾羌舊音

可失合兒押兒牽斡端諸城皆望風降服又諭下爾沙布爾城兵至塔什罕城曷

里默斯與其主札蘭迪音舊音札刺丁亦西遼族人合戰于月亦心揭赤之地敗之又

追襲于阿刺點城戰于圖瑪温山又追至慙顏城西寨敗之札蘭迪音逃

入海收其珍寶以還取玉爾德痕兩城繼而慙顏城亦下是秋太祖駐蹕

葉爾特木什河攻鄂托洛爾舊音斡脫羅兒城克之張榮傳從太祖征西域諸國庚辰八月至莫蘭河不能涉

太祖召問濟河之策榮請造船太祖復問濟師當在何時榮請以一月為期乃督工匠造船百艘遂濟河明年弗察國惟算端

罕據塔什罕城太祖復親攻之聞帝將至棄城南走入鐵關屯大雪山郭寶玉追之遂奔印度帝駐大雪山前時雪深一丈乃封山川神以還耶律阿海者本遼人以功拜太師從征西域留監塔什罕專任綏撫之責未幾卒子綿思格襲久之請還內郡至元十七年置巴什伯里行尙書省事其他皆統屬焉明稱達失干即塔什罕音訛西去賽瑪爾堪七百里城居平原周二里外多林園饒果木土宜五穀居民稠密李貴陳誠之使皆至焉

賽藍

賽藍在塔什罕之東西去賽瑪爾堪千餘里有城周二三里四面平曠居人繁庶五穀茂植亦饒果木夏秋間草中生小黑蜘蛛螫體徧痛不可耐必以薄荷枝掃痛處又用羊肝擦之誦經一晝夜痛止體膚盡蛻凡止宿必擇近水地避之元初薛塔喇海從征賽藍諸國以礮立功又云賽夷乃西域之族長即此地也

博哈爾

博哈爾

元稱蒲華城地與塔什罕相接太祖攻克之明作卜花兒今改正

在賽瑪爾堪東七百餘里城居

平川周十餘里戶萬計市里繁華號爲富庶地卑下節序常溫宜五穀桑麻多絲綿布帛六畜亦饒永樂十三年陳誠自西域還所經哈烈賽馬爾堪俺都淮八達克商迭里迷巴什伯里沙鹿哈雅塔什罕博哈爾舊音達失干卜花兒渴石賽藍養夷火州柳城土爾番鹽澤哈密凡十七國悉詳其山川人物風俗爲使西域記以故中國得考焉宣德中命李達撫諭西域博哈爾亦與焉

尉頭

漢尉頭

今烏什

治尉頭谷東至都護治所千四百一十里南與疏勒接山道

不通

後漢書疏勒東北經尉頭溫宿至龜茲案尉頭山道在東漢時則已通

西至捐毒千三百里後魏役屬

龜茲後亦無聞焉唐河西內屬諸州又曰尉頭州又曰鬱頭州在赤河北

岸石山

沙鹿哈雅

明沙鹿哈雅西去賽瑪爾堪五百餘里城居小岡上西北臨河河名火車站水勢衝急浮梁以渡亦有小舟南近山人多因岷而居園林廣茂西有大沙洲可二百里無水間有之鹹不可飲地多生臭草葉如蓋煮之成膏即阿魏又有小草叢生秋深露凝食之如蜜煮為糖番名達郎古賓永樂中李達陳誠使其地其酋即遣使奉貢宣德七年命中使李貴齋敕諭賜其會金織文綺綵幣

樓蘭

漢樓蘭

今色爾騰海

治扞泥城去陽關千六百里

前漢書樓蘭最在東陲近漢當白龍堆路後漢書玉門關

西行爲鄯善西北至車師隋地理志鄯善郡有蒲昌海唐西域傳陽關故城西至蒲昌海南岸千里西經七屯城又西八十里至石城鎮漢樓蘭也

爾東距敦煌八百里陽關在今敦煌縣西南百二十里故地今名考之列

新疆大記卷三 城郭記上

二十八

因是閣遺書

史方位皆合則前漢陽關至樓蘭安得有千六百里之隔六百字乃傳寫之訛西北至都護治所千八百里前漢書神爵間鄭吉始爲西域都護治烏壘城西至龜茲三百五十里至山國千三百六十里至車師八百九十里地沙鹵少田寄田仰穀旁國人隨畜牧逐水草能作兵器武帝因張騫言甘心欲通大宛諸國使者相望於道樓蘭姑師當道苦之因攻劫漢使王恢等又數爲匈奴耳目令其兵遮漢使帝遣趙破奴率屬國騎及郡兵數萬擊姑師王恢數爲樓蘭所苦上令恢佐破奴破奴與輕騎七百人先至虜樓蘭王遂破姑師於是漢列亭障至玉門矣貳師擊大宛匈奴遣騎因樓蘭候漢使後過者欲絕弗通時任文將兵屯玉門關爲貳師後距得生口以聞上詔便道引兵捕樓蘭王詣闕簿責王對曰小國在大國間不兩屬無以自安願徙國入居漢地上直其言遣歸國樓蘭最在東陲近漢當白龍堆路爲吏士所懲艾後又爲匈奴反間數遮殺漢使元鳳四年其弟尉屠耆降漢言狀漢遣傅介子往刺其王

介子齋金帛揚言以賜外國爲名既至樓蘭王來見介子使壯士二人從後刺殺之乃立尉屠耆爲王更名其國曰鄯善尉屠耆自請曰身在漢久今歸單弱而前王有子在恐爲所殺國中有伊循城其地肥美願漢遣一將屯田積穀令臣得依其威重於是遣司馬一人田伊循以鎮撫之其後更置都護伊循置官始此

婼羌

漢婼羌王號去胡來王

師古曰言去離胡戎來附漢也

去陽關千里去長安六千三百里

辟在西南不當孔道戶四百五十西與且末接隨俗逐水草不田作仰鄯善且末穀山有鐵自作兵西北至鄯善乃當道云

鄯善

鄯善當漢道衝西通且末七百二十里宣帝時遣衛司馬使護鄯善以西諸國西域始通至王莽篡位西域怨叛與中國遂絕光武中皆遣使求內

屬願請都護帝以天下初定未遑外事不許會莎車王賢攻滅諸國更相侵伐而鄯善亦兼并諸國與莎車爭盛建武十四年鄯善王安與莎車王賢詣闕貢獻西域復通後數歲莎車王遣安書令絕通漢道安不納而殺其使莎車王怒發兵攻鄯善安迎戰兵敗亡入山中莎車殺略數千人而去時焉耆鄯善侍子久留敦煌皆愁思亡歸鄯善王復遣子入侍請都護都護不出而鄯善與車師復附匈奴明帝永平十六年班超使西域到鄯善詐斬匈奴使者三人以首示鄯善王鄯善一國驚怖遂納子爲質魏黃初中鄯善王與龜茲于寘各遣子入侍帝遣使撫勞之西域遂通置戍己校尉時南道西行且末戎廬小宛精絕樓蘭皆并屬也太康四年鄯善遣子入侍假其王爲歸義侯晉中興時張駿西平公使其將楊宣率衆越流沙伐龜茲鄯善王獻女駿本傳駿號曰美人李暠爲敦煌太守擊下玉門以西諸城遂屯玉門陽關爲東伐之資鄯善前部謂車師使貢方物案史稱晉祚中徵羣

雄割據惟二涼累世不失蕃臣禮二涼謂張駿李暠也後魏大延初鄯善王遣弟素延耆入侍太祖

既平涼州沮渠無諱西涼蒙遜子度流沙襲高昌遣弟安周擊鄯善其王比龍

拒之安周連戰不能克退保東城比龍懼率衆西奔且末其世子乃應安

周令不得通後世祖詔萬度歸發兵討焉耆度歸到敦煌留輜重以輕騎

三千至其境鄯善人皆望旗降服乃使韓牧爲征西將軍領西戎校尉以

鎮之賦役其人比之郡縣然其後部落役屬于且末

唐西域記沙州壽昌縣西十里至陽關故城又西至蒲昌縣海南岸千里西經七屯城漢伊修城也又西八十里至石城鎮漢樓蘭國也亦名

鄯善在高昌海南三百里康艷典爲鎮使以通西域者又西二百里至

新城亦謂弩支城艷典所築又西經特勒井渡且末河五百里至播仙

吐谷渾

吐谷渾本遼東鮮卑姓慕容氏西晉時號北燕其酋徒河涉歸又名奕洛

于有二子嫡曰苦洛廐庶長曰吐谷渾渾與廐分部牧馬馬鬪相傷廐怒

新疆大記卷三 城郭記上 三十 因是閣遺書

渾遂擁馬西行附陰山永嘉之亂始度西隴止于枹罕自枹罕暨甘松南

界昂城隴澗從洮水西南極于白蘭在益州西北逐水草廬帳而居有青

海周迴千里餘海中有小山青海驄出焉渾六子長曰吐延爲昂城酋長

姜聰所殺子葉延頗識書記自謂祖奕洛于始封昌黎公吾蓋公子之孫

也禮以王父字爲氏遂以吐谷渾爲姓焉葉延死子碎奚立遣使貢獻苻

堅堅拜爲安遠將軍子視連通聘于西秦乞伏氏拜爲白蘭王視連弟曰

視熊曰烏紇提視熊性英果有雄略自號將軍視熊死子樹洛干尙幼弟

烏紇提立烏紇提妻樹洛干母生二子慕瓚利延屢抄乞伏境乾歸討之

奔南涼卒于胡樹洛干年十六嗣率所部居莫賀川自稱大單于吐谷渾

王時晉義熙元年也乞伏乾歸甚忌之兵至赤水大敗之樹洛干降其後

人又爲熾磐所擊保白蘭樹洛干死弟阿豺立臨死命以慕瓚繼事慕瓚

討禽赫連定魏太武拜爲大將軍西秦王太延二年死弟慕利延立太武

征涼州利延懼西奔白蘭攻于賓南征罽賓七年乃還故士卒樹洛干子拾寅立始邑于伏羅川竊擬王者受魏正朔又南通宋封爵爲河南王泰和五年拾寅卒子度易侯立度易侯子伏連籌始修洮陽泥和二戍宣武以後關徼不通伏連籌子夸呂始號可汗居伏俟川在青海東一十五里地方數千里其南界隴澗城去成都千餘里大戎有四一在清水川一在赤水一在繞河一在吐窟真川皆子弟所理其主慕容賀一作莫何川西有黃沙雖有城郭不居而隨俗逐水草其俗與北狄同齊神武作相徵其朝貢乃遣使人趙吐骨真假道蠕蠕頻來後周武成初寇涼州賀蘭詳討破之又攻拔其洮陽泥和二城置洮川而還周書武帝逐吐谷渾而得其地置洮陽郡尋立爲洮州天和初其隴澗王莫昌降以其地爲扶州通考氏羌之地爲吐谷渾所據西魏逐吐谷渾于此始置鄧州隋初置扶州又改二年宇文貴度青海至伏俟城夸呂遁走隋開皇中侵弘州遣元諧擊之夸呂發國中兵自曼頭至於樹敦甲騎不絕諧頻擊破之其名王

十三人各率部落而降夸呂在位百年死子世允立國人殺之又立其弟伏允煬帝初鐵勒襲吐谷渾伏允東走保西平宇文述復大破其衆伏允懼南遁于山谷間其故地皆空自西平臨戎城以西且末以東祁連以南雪山以北皆爲隋有置郡縣置戍發天下輕罪徙居之伏允以數千騎客于党項子順初爲質于朝至是立以爲主送出玉門順不果入而還隋地理志

大業五年平吐谷渾置鄯善郡在鄯善城即古樓蘭城也有蒲昌海西海郡在古伏俟城吐谷渾國都有西王母石窟青海鹽池河源郡在古赤水城有曼頭城積石山河所出且末郡在古且末城總四郡隋亂復其故地

唐初順自江都還長安會李軌據涼州高祖約伏允和令擊李軌自効當護送順還伏允喜遂擊敗李軌順至號爲大寧王太宗初吐谷渾寇鄯州俄寇涼州時伏允耄不能事其相天柱王用事帝遣使曉敕無悛言九年詔侯君集李靖等擊之伏允西遁順之質隋伏允立其弟爲太子順歸快快自以失位欲以功結天子乃斬天柱來降伏允遁積中自死國人立順

爲君稱臣內附詔封西平郡王十年卒子諾曷鉢立封河源郡王自是衰
微而吐蕃強盛與相攻咸亨元年薛仁貴郭待封討吐蕃王師敗于大非
川舉吐渾地皆陷諾曷鉢與親近三千帳纔免徙之浩疊河南通志浩疊
河源自塞
外東至伊吾界入湟水壘同門水流
夾山岸深若門也今西寧縣西北後以吐蕃勢盛又徙靈州安樂川帝
復爲置州即拜刺史欲其安且樂云諾曷鉢孫宣超聖歷三年拜大將軍
襲可汗號數傳至兆立吐蕃復取安樂州而殘衆徙朔方河東語謬爲退
渾吐谷渾自晉永嘉時有國至龍朔三年吐蕃取其地凡三百五十年及
此封嗣絕矣

且末

漢且末國今噶斯治且末城西北至都護治所一千二百五十里北接尉犁
東與白提西通精絕一千里南至小宛可三日行建武中且末爲鄯善所
并東晉時復自爲國後魏大延中鄯善王比龍率國人之半奔且末其部

遂役屬焉梁曰且末國勝兵萬戶北與丁零東與白題接普通七年其王
安末染盤始通江左後入吐谷渾隋末以其地置且末郡地理志有薩
毗澤且末水旋
廢唐有播仙城卽且末故城高宗上元初更名儀鳳中亦陷入吐蕃天寶
末西安節度高仙芝與于闐王尉遲勝擊破薩毗澤播仙城西域記古折
摩馱那卽古
且末宋元間爲輝和爾馱撒里之地明置曲先衛卽在故城東北也

乙弗敵

唐乙弗敵在吐谷渾北國有屈海千餘里衆萬落然不食五穀惟食魚與
蘇子蘇子狀如中國枸杞或赤或黑西有契翰一部風俗亦同土特多狼
白蘭山在吐谷
渾西南西北有白蘭國目不識五色耳不聽五聲戶落亦可萬餘
人頑弱不知鬪戰見異人舉國便走性如野獸體輕遂不可得

精絕

漢精絕今阿氏
爾干治精絕城北至都護治所一二一本作
二誤千七百二十里南至

戎盧四日行地阨隘西通扞彌四百里

案前漢西域都護治天山南烏壘城當日陽關以西為婼羌為鄯善

為且末為小宛在烏壘城東南境故皆西北至都護治所也葱嶺之東為莎車為皮山為于寘為扞彌為渠勒在烏壘城西南境故皆東北至烏壘都護治所也精絕在烏壘正南戎盧又在精絕之南故皆北至都護治所由斯以準則且末之北直尉犁皮山之北直姑墨雖千古之方隅道里至不今爽然晉魏不著其沿革北魏都貨羅國在于寘東

唐西域記瞿薩旦那東從東行入大流砂聚散隨風行人無跡遂多迷失又四百里至都貨羅國國久空曠城皆荒蕪

戎盧

漢戎盧治卑品城東北至都護治所一千九百五十里東與小宛南與婼羌西與渠勒接辟南不當道

渠勒

漢渠勒治犍都城東北至都護治所一千八百五十里東與戎盧西與婼羌

劉奉世曰按婼羌小國最近陽關在都護之東而此渠勒于寘東北行數千里乃至都護安有西與婼羌相接必誤北與扞彌城接

接

扞彌

漢扞彌今和闐東治扞彌城東北至都護治所一千五百里南與渠勒東

北與龜茲西北與姑墨接西通于寘四百里亦曰寧彌後漢攻其國曰拘彌居寧彌城

去長史所居千九百里建武中莎車王賢攻破拘彌以其兄子康為王

後疑叛已召而殺之拘彌又復自立順帝永建四年于寘攻殺其王興自

立其子為王而遣使者貢獻於漢敦煌太守徐由遣疏勒王臣磐發兵擊

破于寘更立興宗人成國而還陽嘉中于寘又殺其王戊己校尉西域長

史各發兵輔立拘彌侍子定興時人衆纔千口永嘉初又為于寘所破殺

掠殆盡其地遂并屬焉

唐漢彌國案汗即扞音轉遞誤居建德力城西有河在于寘之東亦曰拘彌即寧彌故城也

彌即寧彌故城也

于闐

漢于闐今和闐治西城東北去都護治所三千九百四十里北接姑墨西通

皮山國三百八十里于闐之西水皆西注西海其東水東流注鹽澤一名坳澤

今羅布淖爾張騫謂河源出于闐也建武末年莎車王賢攻并于闐以將軍居

德爲于闐王永平中于闐將休莫霸反莎車自立休莫霸死子廣德立後

遂攻滅莎車其國轉強盛從精絕西北至疏勒十三國皆服從而鄯善亦

始強自是南道自葱嶺以東惟此二國爲大後漢書于闐去長史所居五千三百里西經皮山至西夜

子合德若焉班超自鄯善使于闐其王廣德素聞超誅滅虜使大惶懼即降于

是西域復通時戎盧扞彌精絕渠勒皮山五國地皆并屬焉魏興西域不

能盡至其大國于闐龜茲康居烏孫疏勒月氏鄯善之屬無歲不奉貢獻

畧如漢時故事晉張駿據西域于闐遣使貢方物後魏眞君中太武討吐

谷渾慕利延入于闐殺其王死者甚衆而蠕蠕數侵于闐獻文末遣使上

書言西方諸國今皆已屬蠕蠕匈奴世奉大國至今無異國中地方亘千

里連山相次有大城五小城數十山多美玉出好馬城東三十里有首拔

河出玉石城西五十里亦有大水名達利水與樹枝水即首拔河合俱北流七

百里入計式水自高昌以西諸國人深目高鼻惟此一國貌不甚類胡頗

類華夏隋大業中使臣至于闐言其王錦帽金裝冠髮不令人見俗謂見

則年必儉所居曰西山城勝兵四千人俗尙機巧好夸大然貌甚恭謹相

見皆跪凡得問遺書戴於首乃發之自漢武以來中國詔書符節其王傳

以相授人喜歌舞工紡織西有砂磧鼠大如蝟色類金出入羣鼠爲從云

唐初王姓尉遲氏名屋密臣于突厥貞觀十三年內附上元初擊吐蕃有

功以其地爲毗沙都督府析十州授伏閣雄都督死武后立其子璆開元

時璆死復立尉遲伏師戰爲王死伏閣達嗣伏閣達死尉遲珪嗣死子勝

立地當吐蕃之衝吐蕃假道勃律以取四鎮于闐首受其敝肅宗初其王

勝率兵五千赴難使弟曜攝國事廣德中遣還勝固請留宿衛封武都王

因請授國於曜

尉遲勝傳曜上言國中以嫡承嗣今勝讓請立其子銳帝欲遣銳固勝辭以曜久行國事人安之銳生京華不習其

俗不可遣當是時兄帝從之以曜同四鎮節度副使權知本國事唐末河

龍陷沒于闐亦不復至于闐東三百里有建德力河七百里有精絕國河

之東有汗彌居建德力城即寧彌故城皆小國也

唐西域記于闐東有婁摩川度磧行二百里得尼壤城在大澤中地流

沙入行無跡故往返趣迷聚遺骸以識道無水草多熱風觸人畜皆仆

樓蘭古

晉天福三年其王李聖天者自稱唐之宗族遣使來貢詔遣張匡鄴高居

誨入其國册聖天為于闐王居誨還頗記其往來所見山川而不能道聖

天世次也

高居誨使于闐記自靈州過黃河行三十里始涉磧載水以行甘州人教晉使者作

沙神樹沙至三公沙宿月氏都督帳自此沙行四百里至黑沙堡沙尤

新疆大記卷三 城郭記上

三十五

因是閣遺書

馬蹄云朱耶氏遣族也自甘州西始涉磧載水以行甘州人教晉使者作

吐蕃男子百里至肅州婦人辨髮戴瑟瑟珠云珠之好者一珠易一良馬

西至瓜州起居瓜州多中國人鳴沙山云冬夏般般有聲如雷即禹貢流

者問天子起居瓜州多中國人鳴沙山云冬夏般般有聲如雷即禹貢流

沙也又東南十里危山胡盧磧云仲雲者小月支之遺種也其人勇

而好戰瓜沙之人皆憚之胡盧磧漢明帝征匈奴屯田於吾盧蓋其地

也屯城仲雲遣宰相四界入曠磧無水掘地得濕沙人置之胸以慰

大屯皆東向拜自仲雲界西入曠磧無水掘地得濕沙人置之胸以慰

在沙州西南去京師九千五百里然則陷又西至安軍州于闐所置也

聖天衣冠如中國其殿皆東向曰金冊殿有樓曰七鳳樓以葡萄為酒

布帛有園林花木俗喜鬼神而好佛聖天居處常以紫衣僧列侍年號

同慶二十九年國東南曰銀州曰瀘州曰涓州其南一千三百里曰玉

州云漢張騫所窮河源出 宋建隆二年聖天遣使貢圭一以玉為柙使者言國城東有白玉河西有

綠玉河次西有烏玉河源出崑崙山去國城西一千三百里秋水小後國

人取玉於河謂之撈玉以葡萄醞爲酒味極甘美開寶四年上書言破疏勒國得舞象一欲以爲獻詔許之大中祥符二年其國黑韓王遣回鶻羅廝溫等以方物來貢上詢其道路曰涉道一年不知里數昔時道路嘗有剽劫今自瓜州至于闐道路清謐行旅如流願遣使安撫遠俗嘉祐八年以其王爲特進歸忠保順砺麟墨韓王于闐謂金翅烏爲砺麟黑韓使言其王乞此號云國中產乳香來輒羣負私與商賈牟利不售則歸諸外府得善價元豐中詔不許貢神宗時使來言去國四年道塗居半歷黃頭回紇達靺靱唐惟懼契丹抄掠耳因使之圖上諸國距漢境遠近爲書以授李憲紹聖中其王又言緬藥家作過別無報効已遣兵攻甘肅沙三州詔厚答其意焉元太祖定西域若于闐等城望風降附巴什伯里統轄二十四城而于闐獨自爲國至元十二年與鴉爾看城同置水驛十三時諸王背叛世祖遣薛徹干使于闐宗王阿魯忽所以通好阿魯忽留之弗遣數年乃得歸具

白世祖遂命元師布哈特穆爾征之十七年于闐斡端置宣慰司又二年以達魯花赤治之元季其主暗弱鄰國交侵人民僅萬計悉避居山谷生理蕭條明永樂中西域咸修職貢不敢擅相攻于闐始獲休息漸行賈諸蕃復致富庶桑麻禾黍宛然中土初其酋打魯哇亦刺不金遣使貢璞玉朝命使者齎書幣往勞十八年偕哈烈八達黑商諸國貢馬自是常朝仁宗即位不務遠略而西域貢使漸稀國產美玉其隣亦多竊取來獻迄萬歷中亦間入貢回俗不奉佛法于闐之所謂譯經奉佛者蓋史家沿襲之訛俗言辟支足跡又謂老子化胡成佛之所皆未有據也

皮山

漢皮山國今都窪治皮山城東北至都護治所二千二百九十里西南至烏稔一千三百四十里南與天竺接北至姑墨一千四百五十里西南當罽賓烏弋山離道西北通莎車三百八十里晉爲皮國

後魏蒲山故皮國居皮城其國西南三百里有凍凌山後屬于闐

莎車

漢莎車

今葉爾羌

治莎車城

前漢書從鄯善傍南山北渡河西至莎車爲南道

北至都護治所二千一

百餘里西至疏勒五百六十里南至蒲犁七百四十里有鐵山出青玉宣帝時烏孫公主子萬年在莎車王愛之莎車王死無子國人請立萬年漢許之萬年初立暴惡國人不悅莎車王弟呼屠徵殺萬年自立約諸國背漢會馮奉世送大宛客歸即以便宜節發諸國兵擊之攻拔其城呼屠徵自殺更立他昆弟子爲王是歲元康元年也匈奴因王莽之亂畧有西域惟莎車王延最强不肯附屬常救諸子當世奉漢家不可負延死子康代立光武初康率傍國拒匈奴擁衛故都護吏士妻子檄書河西問中國動靜建武五年竇融承制立康爲建功懷德王西域大都尉五十五國皆屬焉康死弟賢立攻破拘彌西夜國皆殺其王而立其兄二子爲拒彌西夜

王十四年與鄯善王安詣闕貢獻於是西域始通葱嶺以東皆屬賢十七年復遣使請都護帝因其使賜賢西域都護印綬以敦煌大守裴遵上言收還更賜以大將軍印綬其使不肯易遵迫奪之賢由是始恨而猶詐稱都護服屬諸國二十一年西域十八國俱遣子入侍既見皆願得都護天子以中國初定皆還其侍子厚賜之是時賢自負兵強欲兼并西域又知都護不至遂遣鄯善王安書令絕通漢道安不納而殺其使賢發兵攻鄯善其冬復攻殺龜茲王兼其國於是鄯善車師復附匈奴而賢益橫遂自立其子則羅爲龜茲王以則羅年少乃分龜茲爲烏壘國徙媯塞王駟鞬爲烏壘王數歲國人并殺之匈奴立龜茲貴人身毒爲王龜茲由是屬匈奴賢攻大宛徙拘彌王橋塞提爲大宛王又立其弟位侍爲于闐王歲餘賢疑諸國欲叛召位侍及拘彌姑墨子合王盡殺之但遣將鎮守其國莎車將之在于闐者爲其國人所殺遂立廣德爲王匈奴與龜茲共攻莎車

不能下廣德乘其敝將兵攻之賢連被兵革乃遣使與廣德和明年莎車相且運等反降于闐廣德乃將兵攻莎車賢乃輕出遂執之虜賢妻子而并其國鎖賢將歸歲餘殺之匈奴發龜茲十五國兵攻廣德將賢質子不居徵爲莎車王廣德又攻殺之更立其弟齊黎爲王章帝元和三年班超將諸國兵擊莎車龜茲王率溫宿尉頭姑墨合五萬兵救之班與于闐王議曰兵少不敵莫若散去于闐從是而東長史亦於是西歸可須夜鼓聲而發龜茲王聞之大喜自以萬騎於西界遮超溫宿王將八千騎於東界邀于闐超知二虜已出密詔諸部勒兵雞鳴馳赴莎車營胡大驚亂由是莎車降漢魏曰渠莎國居故莎車城渠莎界於兩大漸就衰微周隋以來不著唐斫句迦種即故渠莎亦曰沮渠由疏勒東南五百里濟徒多水踰大沙嶺至其國地千里東踰嶺八百里即于闐也貞觀二十年內屬上元初置昆莎都督府爲四鎮之一領十州

案莎車轉爲渠莎而渠莎又轉爲毗莎唐于此置鎮以其地名之

耳蓋其境地統于于闐也

地理志注本于闐國

烏鍬國在其西南四鎮既陷漸爲大

食所有元初定西域始謂爲葉爾羌

舊音鴉爾看一作押兒牽

、 幹端

元初太祖既定北部幹端諸城先附至元十二年詔慰幹端城時諸王背叛乃命速斛忽別列伯都爾爲都元帥領蒙古等軍三千人守之十七年置宣慰司元帥府命四川西道劉恩進兵且只爾先以管軍千戶勝征至甘州陞總管十九年從諸王合班元帥忙古臺軍與叛王兀盧等戰勝之明年伯巴又以兵來侵且只爾獨破其餘衆五百人拔亡卒二百餘人以出進副萬戶二十三年從別速臺請立羅卜怯臺閣鄜幹端等驛尋以達魯花赤督治屯田遂罷宣慰司元帥府元之諸王屬籍世次史臣莫能知其爲鎮守大概有事則置事已則罷焉

阿端衛

明阿端衛洪武初置在沙州西撒里輝和爾之地洪熙時曲先會散即思劫朝使魯阿端指揮鎖魯丹偕行大軍出征鎖魯丹遠竄宣德初猶依曲先雜處帝宥其罪令復故業於是真只罕率所部還居帖兒谷舊地真只罕入朝因言阿端既幹端故地在回回境去帖兒谷尙一月程朝貢艱乞移本土爲便從之迄正統朝數入貢

失刺思

失刺思近賽馬爾堪永樂十六年遣使偕哈烈俺的干喀什噶爾等八國入貢方物宣德二年貢駝馬授使臣阿力爲都指揮僉事賜冠帶弘治初哈密陝巴與野七克力結婚失刺思偕旁國亦不刺因遣人請頒賜財物助之成婚朝議義之厚賜陝巴並賜二國綵幣

亦思弗罕

亦思弗罕地近俺的干永樂十四年使俺都淮賽瑪爾堪者道經其地十七年偕隣國失刺思共貢西馬文豹使臣還命魯安等送之有馬哈木者願留京師從其請或云亦思巴罕

俺的干

俺的干西域小部落永樂十一年來貢逮魯安等使失刺思哈烈諸國復便道賜其酋長文綺然地小不能常貢後竟不至

西夜

漢西夜國今葉爾羌西南裕勒阿里克王號子合治呼隄谷東北至都護治所三千四十六里東與皮山西與蒲犁西南與烏秬北與莎車接蒲犁依附無雷皆西夜類也其種類羌行國隨畜逐水草往來

後漢西夜國一名漂沙漠書中誤云西夜子合亦有王而子合土地出玉

石

師古曰西夜子合兩國疑前漢書誤

魏悉居半故西夜國一名子合北魏屬嚙噠

唐朱居波作槃漢子合也直于闐西千里葱嶺北三百里西距喝盤陀北

九百里屬疏勒尙浮屠法文字同婆羅門案西夜子合兩國分合各史互異至唐朱居波屬漢子合而境

地殊廣又兼有漢依耐西夜蒲犁德若四國地

烏秣

漢烏秣直加反東北至都護治所四千八百九十二里北與子合蒲犁西與

難兜接山居田石間有白草累石爲室出小步馬西有懸度去陽關五千

九百里

北魏權子摩治烏秣城即烏秣故國在悉居半西南

蒲犁

漢蒲犁今葉爾羌西塞爾勒克喀爾楚境國王治蒲犁谷東北至都護治所五千三百九

十六里東莎車北疏勒南西夜子合西無雷俗與子合同

喝盤陀

新疆大記卷三 城郭記上

四十

因是閣遺書

後漢德若國東去長史居三千五百三十里東與子合接自皮山西南行

經烏秣涉懸度歷罽賓六十日行至烏弋山離道案後漢無蒲犁國而有德若國魏略並載蒲犁

嶺東朱駒波西河經國中東北流有高山夏積雪亦事佛道附嘸噠

唐喝盤陀西域記喝作竭即渴槃陀亦謂渴羅陀又曰漢陀曰渴館檀由疏勒西

南入劍末谷不忍嶺六百里其國距瓜州四千五百里西北與護密接治

葱嶺中都城負徒多河戶二千其王本疏勒人世相承爲之人勁悍貌言

如于闐葱嶺號極疑山環其國直朱居波西懸度山在其西南貞觀四年

來朝後遂絕開元中破平其國置葱嶺守捉安西極邊戍也

俱蘭

俱蘭

唐俱蘭或曰俱羅弩與吐火羅接地三千里南大雪山北俱魯河出金精

琢石取之貞觀二十年其王遣使來獻書辭類浮圖語劫者居葱嶺中西

及南距賧彌西北悒怛也

西域記有安咀羅縛闕悉多活種皆居吐火羅故地臣於突厥亦突厥種主鐵門南諸戎遷徙不常其東又有七種南北峽道甚險無慮三千里而贏得俱蘭東北山行五百里即護蜜北識匿也南有波羅地大東西行八百里出葱嶺又八百里至烏鍛環千里出白蠶青三種玉其君長世臣竭盤陀

賧彌

後魏賧彌在波知之南不信佛法專事諸神亦附嚙噠東有鉢廬勒國路險緣鐵索而度下不見底熙平中宋雲等竟不能達通考懸度葱嶺迤邐相屬郵置所絕道阻

且長放行人由之莫能分別然法顯宋雲所經懸度也

烏萇

後魏烏萇在賧彌南北有葱嶺南至天竺婆羅門胡為其上族國西南有檀特山山之上立寺以驢數頭運食山下無人控御自知往來也

唐烏萇亦曰烏茶曰烏伏那南直天竺地廣大東距勃律六百里西罽賓四百里山谷相屬有五城東北有達麗羅川即烏萇舊地貞觀十六年遣使來朝至開元中大食與烏萇東鄙接其數誘之君與骨咄俱不肯附玄宗命使者册封為王

附罽賓

漢罽賓不屬都護東北至都護治所六千八百四十里東至烏秬二千二百五十里東北至難兜九日行西北與大月氏西南與烏弋山離接大月氏擊塞王塞王南越懸度居罽賓天竺塞教自此始師古曰塞後世轉為釋蓋語有輕重也三國時為大月氏所併

北魏罽賓在波路西南去代萬四千二百里居在四山中其地東西八百里南北三百里

隋漕國在葱嶺西南其王姓昭武康國之宗族唐罽賓隋漕國也居葱嶺

南距京師萬一千里南距舍衛三千里王居修鮮城地暑濕人乘象俗治浮圖法傳十二顯慶二年以其地爲修鮮州天寶四年册其君爲罽賓烏菟王

附小勃律

小勃律距京師九千里而羸東八百里屬烏菟東南三百里大勃律北五百里當護密之娑勒城王居孽多城臨娑夷水開元初以其地爲綏遠軍國迫吐蕃數爲所困吐蕃曰我非謀爾國假道攻四鎮爾久之奪其九城其王沒謹忙求救北庭節度張孝嵩遣疏勒副使張思禮倍道出兵大破吐蕃復其城詔册爲小勃律王沒謹忙之孫蘇失利之立爲吐蕃陰誘妻以女故西北二十餘國皆臣吐蕃安西都護三討之無功天寶六載詔副都護高仙芝伐之遣將軍席元慶馳騎見蘇失利之曰請假道趨大勃律城中大會五六皆吐蕃腹心元慶出詔書召慰賜繒綵縛酋領蘇失利之挾妻走仙芝軍至斬爲吐蕃者斷娑夷橋娑夷河弱水也橋長度一里是暮箭所及者功一歲乃成吐蕃至不能救仙芝約王降遂平其國於是拂菻大食諸胡七十二國咸震恐歸附執小勃律王及妻歸京師詔改其國號歸仁置歸仁軍以軍千人鎮之

疏勒

漢疏勒今喀什噶爾治疏勒城東至都護治所二千二百里南至莎車五百六

十里有列市西當大月氏大宛康居道後漢西域記去長史居五千里東北經尉頭温宿姑墨龜茲至焉耆

魏書南有黃河西帶葱嶺東去龜茲一千五百里明帝永平中龜茲王建攻殺疏勒王自以龜茲

左侯兜題爲疏勒王明年春班超問道至疏勒去兜題所居槃橐城九十里遣吏士田盧往諭盧到兜題無降意盧因其無備遂劫縛之超召疏勒將吏說以龜茲無道之狀因立其故王兄子忠爲王遣兜題還龜茲疏勒由是與龜茲結怨十七年焉耆攻沒都護陳睦而龜茲姑墨發兵攻疏勒

超守槃橐城與忠相首尾肅宗即位徵還班超超將發疏勒都尉莽犁曰漢使棄我我必爲龜茲所滅以刃自刎至于闐王侯以下皆號泣抱超馬脚不得行超亦欲遂其本志乃還疏勒疏勒兩城自超去後復降龜茲而與尉頭連兵超捕斬反者擊破尉頭殺六百餘人疏勒復安元初中疏勒王安國以舅臣磐有罪徙於月氏月氏親愛之安國死無子臣磐聞之請於月氏月氏乃遣還疏勒立爲王後莎車連畔于闐屬疏勒疏勒以強故得與龜茲于闐爲敵國焉永建初漢拜臣磐爲大都尉建寧二年爲其季父和得射殺和得自立明年戊己司馬曹寬西域長史張宴將諸國兵攻楨中城四十餘日不能下其後連相殺害漢不能復禁已後魏復通中國文成之末遣使貢佛衣燒之三日不然其王帶金獅子冠每歲常以土產供于突厥國內有大城十二小城數十勝兵二千人地多沙磧少土壤俗尚詭詐其人文身碧瞳唐曰佉沙國治迦師城王姓裴氏自號阿摩支突厥以女妻之貞觀九年內附遂置疏勒都督府領州十五爲安西四鎮之一儀鳳時吐蕃破其國開元十六年復册其君安定爲疏勒王五代及宋于闐通而疏勒無聞焉

案宋季輝和爾國統有疏勒莎車境地

依耐

漢依耐

今喀什噶爾南英噶薩爾境

東北至都護治所二千七百三十里東至莎車五百

百四十里西至無雷五百里北至疏勒六百五十里南與子合接寄田疏

勒莎車

案後漢不著其名當爲莎車所併

無雷

漢無雷

今阿喇楚勒

治廬城東北至都護治所二千四百六十里南至蒲犁五

百四十里南與烏秣北與捐毒西與大月氏接

北魏鉢和在渴槃陀西其土寒人畜穴地而處有大雪山望若銀鋒有兩道一道西行向噶噠一道西南趨烏萇亦爲噶噠所統

唐護密或曰達摩悉鐵即魏所謂鉢和者王居塞伽審城北臨烏澹河橫一千六百里縱狹纔四五里堆阜曲折沙石流漫顯慶時以其地爲烏飛州西域記稱波羅川地當四鎮入吐火羅道故役屬吐蕃有連雲堡下據婆勒川南直小勃律五百里天寶初吐蕃以兵戍其城高仙芝分軍三道下勃律先破之

識匿

唐識匿東南直京師九千里東南史少南字五百里距葱嶺守捉南三百里屬護密西北五百里抵俱密初治苦汗城後散居山谷有大谷五酋長自爲治謂之五識匿天寶初請絕吐蕃賜鐵券

難兜

漢難兜今葉什勒庫勒淖爾東北至都護治所二千八百五十里西東字之訛至無雷三百四十里西南至罽賓三百三十里南與婁羌北與休循西與大月氏接

波知

北魏波知在鉢和西南土狹人貧依託山谷其王不能總攝有三池傳云大池有龍王次者有龍婦小者有龍子行人經之設祭乃得過否則遇風雪之困唐波知屬月氏去長安萬一百里

附大夏

大夏自漢通中國尙能自立於西域諸國之間至三國時大夏爲大月氏所屬月氏與烏孫疏勒歲復來貢如漢故事

北魏大月氏在弗敵沙西相去七百里北與蠕蠕接數爲所侵徙都薄羅城去弗敵沙二千一百里小月氏在波路即波知西南城東十里有佛塔所謂百丈浮圖本大月氏王寄多羅子城也月氏爲蠕蠕所逐西徙令寄多羅守此城號小月氏去代萬一千二百里

噉大月氏之種類也自金山而南在于闐之西都烏澹河之南二百里

本滑王姓噶噠後之子孫以姓爲國又訛爲悒悒俗同吐呼羅隋大業中
貢方物其國去漕國一千五百里東去瓜州五千八百里其本原或云是車別種韋節西蕃記云親問其國人並稱挹闐按漢書陳湯征鄯支康居副王挹闐抄其後種重此或康居之種類然傳自遼國夷語訛舛年代綿邈莫知根實不可得而辨也

吐呼羅東至范陽國西至悉萬斤相去二千里南至連山不知名北至波斯國城南有大水西流名漢樓河

唐吐火羅或曰吐豁羅元魏所謂吐呼羅者居葱嶺西烏澹河之南古大夏地與悒悒雜居永徽中以其地阿綏城爲月氏都督府析小城爲二十四州拜其王爲都督天寶間册其君爲吐火羅葉護悒悒王乾元初與西域九國發兵爲天子討賊肅宗詔隸朔方行營

捐毒 音篤

漢捐毒 今烏魯阿勒特 治衍敦谷東至都護治所二千八百里南至疏勒與葱嶺

新疆大記卷三 城郭記上

四十五

因是閣遺書

相屬無人民西上葱嶺則休循也北與烏孫接衣服類烏孫隨畜逐水草
依葱嶺本塞種也 捐毒即身毒漢書注李奇曰一名天篤則浮圖胡也居古曰即敬佛道者通者昔匈奴破大月氏大月氏西師大夏而塞王南居屬寶塞種分散往往爲數國自疏勒以西北休循捐毒之屬皆故塞種也

後漢天竺即身毒在大月氏東俗與月氏同修浮圖道不事殺伐遂以成俗 案天竺在葱嶺西南幾二千里蓋自塞王爲月氏所擊遂南越懸度山居屬寶後世其教漸盛拓地三萬里分東西南北中五天竺或曰摩伽陀曰婆羅門國中多佛跡其先則爲漢身毒也

休循

漢休循東至都護治所二千八百里東去疎勒千里南與難兜西與大宛接三國曰休循國爲月氏所併北魏破洛羅那故大宛國也都貴山城在疏勒西北唐撥汗 一作汗 元魏時所謂破洛那者居西鍵城在真珠河之北姓昭武東去疏勒千里西北去石國五百里東去瓜州五千五百里其王自晉魏相承不絕顯慶三年以克塞城爲休循州開元中助平吐火仙册

拜奉化州天寶中改其國曰寧遠其事唐最謹

附康居

漢康居東至都護治所五千五百里東與大宛西與粟弋伊接魏者舌故康居國在破洛那西北去代萬五千里隋康國大業中來朝貢其王姓溫月氏人也舊居祁連山北昭武城自爲匈奴所破西徙葱嶺遂有此國支庶皆爲王其左右米曹安史何石那色波烏那曷穆凡九國並以昭武爲姓唐康國元魏所謂悉萬斤者其南距史五百里西北距西曹百餘里東南屬米百里在那密水南世謂九姓其俗尙浮圖法祠祆神永徽時以其地爲康居都督府東曹居波悉山之陰漢貳師城也東北距俱戰提二百里北至石西至康東北寧遠皆四百里許南至吐火羅五百里有夜叉城史或曰佉沙居獨莫水南康居小王蘇薤城故地西北一百五十里距那色波北二百里屬米南四百里吐火羅也有鐵門山左右巉峭石色如鐵

爲關以限二國以金錮闔城有神祠每祭必千羊用兵類先禱乃行隋大業中始通中國顯慶時以其地爲佉沙州那色波亦曰小史居吐火羅故地東阨葱嶺西接波斯

大食

大食本波斯國隋大業中有桀黠者因獸言詭衆衰亡命於恆曷水劫商旅保西鄙自王國人往討之皆敗還於是遂強唐永徽二年始遣使來朝自言王大食氏有國三十四年傳二世國與吐火羅康接直葱嶺西龍朔中并波斯破蒲林勝兵至四十萬康石皆往臣之開元中屢遣使貢方物使者謁見不拜有司將劾之使者辭曰國人止拜天見王無拜也有司切責乃拜始稱白衣大食自阿蒲羅拔之後謂之黑衣大食或言大食自孤列之後世爲酋長號白衣大食族有二姓一曰盆尼二曰奚深盆泥種有摩訶末者勇而智衆立爲主闢地三千里傳十四世至末換殺其兄自立

下怨其忍有呼羅珊木鹿人並波悉林將討之狗衆曰助我者皆黑衣俄而衆數萬即殺未換求奚深種阿蒲羅拔爲王更號黑衣大食國中男子鼻高而髻黑女子白皙出輒障面日五拜天神不飲酒舉樂有禮堂容數百人率七日王高坐爲下說法俗勇於鬪暴斂諸國開元末石國王伊擦吐屯上言今突厥已屬天可汗惟大食爲諸國患請討之天子不許天寶六年安西節度使高仙芝兵至勃律斷娑夷橋以絕吐蕃諸胡降附大食六國皆遣使入朝乃封爲王又二年仙芝襲石國王王子乞師大食連兵攻四鎮仙芝深入爲大食所敗時已徙葱嶺以東六國者曰都盤曰陀拔斯曰阿沒曰羅利支曰沙蘭曰怛滿怛滿居烏濟河之北平川中獸多獅子其西北與史接以鐵門爲限大食西南與烏菴東鄙接代宗朝常取其兵平兩京貞元中吐蕃陷北庭安西黑衣大食時與相攻吐蕃歲西師故鮮邊患而安西以西悉爲黑衣大食所并已五代時未嘗與中國通契丹

服屬回鶻踰流沙盡取西鄙諸部大食亦爲其屬國軍宋乾德四年僧行勒奉命往西域因賜其王書以招懷之太平興國二年大食國遣使貢方物其從者曰深體黑世謂之崑崙奴始而入貢路由沙州涉夏國抵秦州乾興初西夏趙德明請道其國中不許天聖元年入貢恐爲西人鈔略乃詔自今取海路由廣州至京師其部屬又各異名有勿巡陀婆離俞廬和麻囉拔等國悉皆冠以大食宣和中遼亡有林牙達什者西奔大食地自立號西遼服屬諸胡始有回回大食之名西遼建國幾九十年嶺北奈曼部楚察里襲之又九年元太祖攻克塔什罕城滅奈曼遂征回回塔爾寨擒其主瑪里可汗乃定西域元初征回回曰十二城曰二十四城然皆易以蒙古語固無史臣紀實世祖大一統悉以諸王駙馬統之史策概弗詳焉

元本紀太祖十五年克蒲華城夏克等尋斯干城太宗十一年莽賽扣率師圍阿蘇默爾奇城三月拔之十二年庫由克克禾下諸城至元十一年立于闐鴉爾看兩城水驛十三年四月詔慰幹端鴉爾看合失合兜等城

賽瑪爾堪

明賽瑪爾堪

舊音撒馬兒罕今遵欽定譯音改正

即回回大食國

今屬喀什噶爾境其舊城方位莫可指實明史即漢

罽賓誤也

元太祖平西域始有賽瑪爾堪之名

元史作撒麻耳干

元末為之王者駙馬

特穆爾也太祖欲通西域屢遣使招諭遐方君長未有至者二十年四月特穆爾始遣回回滿刺哈非思等來朝貢馬元時回回徧天下及是居甘肅者尚多詔遣還之於是歸賽瑪爾堪者千二百餘人帝遣傅安等至其國被留令人導安徧歷諸國以誇其廣大至永樂五年始還特穆爾死其孫哈里嗣天順成化間其長稱瑣魯檀猶蒙古稱可汗迄萬歷中朝貢不絕其國東西三千餘里地寬平土壤膏腴王所居城廣十餘里民居稠密西南諸蕃之貨皆聚于此號為富饒城東北有土屋為拜天之所規制精巧柱用青石雕為花紋中設講經之堂用泥金書經裹以羊皮俗禁酒人物秀美工巧過于哈烈今葱嶺西回部而風俗土產多與之同其旁近東有沙鹿

新疆大記卷三 城郭記上

四十八

因是閣遺書

哈雅塔什罕賽藍養夷西有渴石迭里迷諸部落皆役屬焉

喀什噶爾

喀什噶爾

舊音可失合兒今遵欽定譯音改正

西域小部落耳永樂六年李達等齎冊往賜

即受命十二年遣使隨白阿爾怡臺入貢方物天順七年命劉福普賢使其地其貢使亦不常至

迭里迷

迭里迷在賽瑪爾堪西南有新舊二城相去十餘里其會長居新城城內外居民僅數百家畜牧蕃息城在阿尤河東多魚河東地隸賽瑪爾堪西多蘆林產獅子陳誠李達嘗使其地

渴石

渴石在賽瑪爾堪西南三百六十里城居大村周圍十餘里宮室壯麗堂以玉石為柱牆壁窗牖盡飾金碧琉璃其先賽瑪爾堪會長駙馬特穆爾

居之城外皆水田東南近山多園林西行十餘里饒奇水又西二百里大山屹立中有石峽兩崖如斧劈行二三里出峽口有石門色似鐵路通東西番人號爲鐵門關設兵守之

